

四庫全書

集部

欽定四庫全書

金文靖集卷三

明 金幼孜 撰

五言律詩

奉和學士胡公春日陪駕同遊萬歲山

十首

鳳輦遊仙島  
春殘花尚濃  
龍紋蟠玉砌  
鶯語度瑤宮  
香霧浮高樹  
祥雲麗碧空  
五城雙闕外  
宛在畫圖中

磴道高低出  
烟霞遠近分  
雕闌凌絕壁  
丹戶倚層雲  
古

木含蒼翠靈芝毓秀芬仙山應未遠不使世人聞

紫殿青霄外何年結構奇攀緣疑失路回合訝多岐竹  
露凝蛛網松烟濕兔絲經行隨處好盡日不知疲

紫紆緣島樹迤邐傍林花舉目疑天近回頭覺路賒追  
趨窮物色幽賞惜韶華小立迎鸞馭中官擬進茶

玉輦千官從晴波太液春光風先解凍淑景更宜人泛  
月思仙艇看魚憶釣綸宸游恩渥重何以報堯仁

截嶽凌丹闕迢迢跨紫臺龍香浮日動鳳蓋拂雲來疊

巖參差出層崖隱映開幽尋不可極臨眺重徘徊  
始從京國至復向廣寒遊琪樹花爭發瑤岑翠欲流丹  
丘千歲在紫澗四時幽縹緲聞仙樂隨風到殿頭  
暖露滋瑤草輕飈動碧篁龍蟠知歲月鶴唳識風霜鑿  
谷通仙逕穿巖闢洞房回看城闕近禁樹晚蒼蒼  
仙臺金露靜畫棟玉虹高日月迴三島乾坤奠六鼇碧  
甌傳細茗銀甕出香醪千載恩榮重追攀不憚勞

侍宴分瑤席鶯花照綺羅中官催賜酒光祿為籠鵝漢



業千秋盛堯年萬壽多願言歌聖德勒石照巖阿

秋日隨駕出安定門偶成

西風初退暑白苧已生涼水郭稻花晚林塘荷芰香雁聲逾塞急燕子去巢忙落日金臺外蕭條客思長

冬日早朝口號

紫陌趨朝早揮鞭信馬蹄水聲橋上下人語市東西拂帽霜華重垂天斗柄低九門看欲曙先聽乳烏啼

冬夜獨坐

寒燈照孤館獨夜思悠悠久客誰青眼慈親今白頭踈  
鐘度雙闕長遂起高樓遙念小兒子嬌癡不解愁

臘月二十四夕偶成 二首

歲事只如此匆匆又小年  
蘭燈看獨照  
栢酒已先傳  
月隱金臺雪香霏禁樹烟  
故園今萬里  
南北寸心懸  
浮生若萍梗  
歲月易蹉跎  
久客鄉書少  
慈親白髮多  
春回殘雪在  
臘盡小年過  
未就閒居賦  
聊吟桂樹歌

玉堂晚出

玉堂初罷直緩步散鳴珂城闕日將暮河橋風更多歲  
華漸搖落人事易蹉跎未有田園計謀生將柰何

次鄒侍講夜坐即事

掩卷坐清宵圍爐擁敝貂捲簾寒易入汲水凍難消入  
靜傳疎漏庭虛度急飈夜闌傳北斗天路正逍遙

除夕次韻

宦游逾十載長以客為家臘酒輕浮蟻蘭缸細吐花寸  
心傾北闕數口隔京華明日逢新歲春光遍天涯

輓秀才黃卓母

忽聽傳凶問，慈親隔九原。  
淒涼萬里恨，未報百年恩。  
客路經寒雪，雲山望故園。  
臨岐一相送，悲慟不堪聞。

追和學士胡公秋日同陪駕重遊太液池

十首

太液臨仙島，微涼動早秋。  
雨餘芳樹靜，岸遠雜花稠。  
魚躍衝波外，鷗眠近水頭。  
詞臣叨寵渥，載筆重追遊。

瑤波通碧海，瓊島倚天中。  
鳥度紅蓮雨，鶯啼細柳風。  
泉香流石砌，樹暗隱仙宮。  
盡日都忘倦，登臨興未窮。

樹窈迴仙逕花深映石牀雲光連島靜水氣入衣涼御  
手分水果天厨送玉漿吾皇千萬壽流澤更汪洋

遠水含秋色飛霞映晚天折荷驚白鷺倚樹聽玄蟬翠  
合三山近波涵一鏡圓子雲才更好獨步賦甘泉

輦路通瑤島天河跨玉津涼風生細浪疎雨浥香塵碧  
草穿沙短紅菱出水新宸遊多樂事侍從忝詞人

馳道平如掌金輿向日移畫橋低樹影粉檻壓花枝展  
席鷗相近迴鞭鶴未知故人詩句好盡得寫清奇

高閣青霄外平臺落照間未須論弱水即此是仙山禁  
樹祥烏集瓊林白鶴還經行多異趣景物自幽閒

內苑消殘暑滿池開藕花涼烟生薜荔落日映蒹葭鳳  
蓋隨丹輦鸞笙載玉車西山渾咫尺紫氣接飛霞

綵仗臨花嶼仙輿隔畫闌敲冰分學士供膳促中官屢  
得陪清賞重來喜徧觀微生遭盛際霈澤海同寬

日下龍光近花間輦道開旗翻池影動香逐好風來賦  
詫相如好詩論太白才勝遊徧稱意欲往更遲回

郭氏遺安堂

世系出汾陽高門弈葉芳詩書存道義耕稼樂時康盛  
德貽謀遠傳家積慶長安危有明鑑垂訓在茲堂

試院偶成東諸同志

聖主崇文治南宮較藝時賢才應有待藻鑑豈容私日  
傍爐烟轉春隨刻漏移自慚叨筆硯飽食更何裨

院中雨寒夜坐

入院多風雨清宵獨掩扉燈寒難把卷坐久欲添衣人

語喧江市鴉棲避棘闈賢才今獨盛吾道有光輝

花晨紀懷

鎖院春過半趨朝敢後期捲簾晨起早看卷夜眠遲戰  
藝俱爭捷掄才屬有為臚傳黃榜動春滿鳳凰池

二月廿五日夜寫進士榜復命

花隱蘭燈夜香浮虎榜春飛騰瞻日月感會在風雲匡  
坐聽寒漏鳴珂候紫宸長安聞揭曉盡夕有行人

贈許子謨博士還北京冑監



南宮初上考拜命即言還淮樹雲連海燕臺雪滿山交  
游十載舊淹滯一官閒愧我叨恩寵空憐兩鬢班

冬日扈駕獵龍山同尚書蹇公學士胡公登斗首  
山佛窟寺偶成十詩奉簡

梵刹倚崔嵬登臨此日來穿林緣翠巘坐石拂蒼苔絕  
壁浮圖在空巖佛窟開憑高一回首佳氣滿蓬萊

侍從朝初罷乘閒散馬蹄黃麾雲外見獵騎望中迷石  
室疑龍卧禪牀聽鶴棲經行有佳興且復記新題

日晏疲登頓遙峰入望微雲根孤犬吠林外一僧歸霜  
滑猶沾屐苔深欲染衣底須論說法到此已忘機

空寂渾無事從來遠俗氛崖深留凍雪松老駐寒雲碧  
殿香烟靜層雲紫翠分下方塵擾擾鐘磬有誰聞

野曠澹朝暉山光拂翠微青松低石屋黃葉礙柴扉長  
日僧閒卧終年客到稀自緣塵俗少甘與世人違

江山如畫裏滿目盡乾坤翠拂旌旗動風吹鼓歌喧晴  
烟分野色旭景散春溫喜有同袍在幽期可共論

名山不易到欲去重盤桓浩蕩添詩興行吟駐馬鞍風泉雜鐘梵嵐翠濕衣冠頃此忘塵幻偏令眼界寬

古木含餘靄垂蘿隔紫烟碑殘尚沒草井廢尚通泉梵鉢留深殿天花雨法筵山僧少迎送高卧不知年

偶尋方外去佳興亦悠哉雲氣隨冠冕花香拂酒盃閒時難再得何日更重來向晚鑾輿動爭隨騎從回

未有人知處經行到上方丹霞浮御氣寶樹散天香碧嶂猿啼靜遙空雁影長題詩寄行迹回首意難忘

贈陳紹夔胡季南下第再試歸南京胄監

領薦來京國青雲竟未逢聖情尤軫念召試獨從容  
夜雨辭金殿春風過辟雍他年期射策須敵萬夫雄

端午賜宴觀擊毬射柳

四首

端午恩榮重宮廷進壽觴賜來銀扇好分出綵絲長  
角黍金盤薦菖蒲玉甕香賦詩慚倚馬再拜獻君王

鳳輦乘時動寧辭閱武勤柳間千騎合花外兩朋分  
羽箭凌飛電金毬度綵雲年年端午節榮遇沐深恩

千官隨鶴馭冠蓋拂雲來日轉旌旗重風清鼓角催玉  
驄低柳過綵仗逐花迴獻賦長楊裏還稱萬壽盃  
仙仗丹霄外鑾輿禁苑東轉丸馳寶馬拂羽試琬弓得  
綵歡聲合分籌寵賚濃太平無以報獻納愧揚雄

贈友人廖自勤王恪赴交趾

二首

萬里南交路君今作遠遊着鞭臨祖道受詔出皇州漢  
柱雲烟古秦林瘴癘收幕中如有問珍重為參謀

慷慨屬橐鞬離筵惜解分班超志投筆司馬獨能文虎

旅連雲動笳聲向月聞安邊有良策及此樹功勲

春日隨駕出郤世偶過田家

二首

東風被原野草木亦滋榮脉脉泉流響喈喈時鳥鳴老  
翁扶杖出耨子把犁耕民俗安淳樸熙然樂太平

遙峰落平野小逕入柴扉雨後桑麻長春深牛犢肥林  
花輕拂帽空翠近霑衣惆悵蘼蕪綠天涯殊未歸

杏園春晚圖為李士文賦

種來看漸滿千樹已成林向曉雲霞重方春雨露深閑

門容虎卧把卷聽鶯吟結實長收穀誰知植德心

隨駕出拜郊過平坡寺

遠上平坡寺山行似七盤到門卸鞍馬坐石解衣冠仙  
井龍曾化僧房犬自看乘輿瞻已遠萬騎擁旌竿

元夕午門賜觀燈

五首

新歲逢元夕看燈紫禁來雲間仙仗出花裏繡筵開月  
轉雙龍闕春浮萬壽盃傳柑當此日獻頌愧非才

五夜開闔闔千官引珮珂御烟浮寶篆華月送清歌歲

久君恩重時平樂事多金吾知不禁試問夜如何  
鰲山新結綵列炬照晴天簫鼓瑤臺上星河絳闕前綵  
粧千隊好繡簇萬花妍歡賞陪鸞馭還歌既醉篇  
馳道開仙蹕中天建羽旄星連三島近仗立五雲高鳳  
吹迎仙樂龍香薦玉醪九重恩似海春色上宮袍  
鶴馭雲中下仙人海上回星橋連閣道絳蠟炫蓬萊民  
物同遭遇衣冠得重陪酣歌稱萬壽更上紫霞盃

為方尚書賓題山水圖



翠崦參差合疎林隱映開白雲生野水樹色掩樓臺釣  
艇烟中去菱歌江上來山陰未可到賀監幾時回

為序復來求題

異種穹窿產移栽自昔年發生宜土壤潤澤近山泉品  
出武夷外香分穀雨前誰能識滋味為問趙州禪

寄長洲周廣文

風雪大如許懷人將奈何春歸雙鬢老臘盡一年過泮  
水菁莪意淮南桂樹歌玉堂叨筆硯感激受恩多

贈友人赴亳縣

一官赴亳縣九月發金臺雪色侵行李梅花照酒盃  
廉平需豈弟撫字賴賢才迢迢關河意相思首重回

聶氏望思堂

遠宦違親養官居敢自寧孤雲長入望萬里若為情  
渺渺低淮樹依依帶楚城狄梁千載意誰復繼芳聲

贈太醫院判韓公達

昆弟俱榮遇相承領國醫濟人惟藥物種德在書詩  
姓

字公卿重勤勞聖主知杏林千樹好雨露日蕃滋

送刑部主事鄭駱赴寧波知府

進士名無忝秋官譽更多專城膺寵擢五馬動鳴珂聖主勤宵旰斯民賴撫摩循良稱漢吏青史久難磨

筠莊為西莊吳氏賦

繞廬無雜卉種竹已成莊烟雨三春綠風泉五月涼看時移杖屨興至倒壺觴日有平安報題詩詠鳳凰

題新淦姚氏挹清軒

閉門罕人事清意有誰知山色同朝暮泉聲自四時絃  
琴堪對酒拄笏好題詩為寫山林趣悠然動客思

歲暮祀太廟齋宿翰林奉簡胡楊二學士

四首

齋宿聯官署俄驚歲又闌庭虛燈火靜天迥雪光寒漸  
老憐雙鬢無能愧一官相知二十載許國寸心丹

吏散蚤休衙齋居夜不譁盞簪頻剪燭清坐屢供茶詞  
賦相如好才情水部誇余生今五十已覺鬢先華

五城風雪暮萬里屬殘年話舊情偏洽論詩席屢前禁

鐘人語靜高閣漏聲傳未有歸田計聊歌桂樹篇  
歲事祗匆匆浮生似轉蓬官居白首共報國寸心同雲  
裏天香下城邊霽雪融夜深寒不寐數起候晨鐘

夏日喜雨寫懷

十首

粉署依丹禁城虛爽氣多好風天上至涼雨曉來過翠  
島浮香霧瑤池澹綠波九重閒視草時復幸鑾坡

夏過日初長連朝雨送涼捲簾書帖靜開戶燕泥香賜  
果來東閣分冰近御床小臣叨侍從屢得被恩光

玉堂清切地瀟灑出氛埃雨點踈踈過天香冉冉來隔  
花鶯歷亂近水燕飛回朝退有餘暇新詩取次裁  
閣中暑不到長日靜無譁坐對西垣樹吟看上苑花臨  
池常洗墨汲井自烹茶漸覺形容醜年來兩鬢華

書永文書靜風清刻漏遲雲低雙闕樹日轉萬年枝感  
遇交游在迂踈聖主知不才叨翰墨何以報恩私

兀兀坐清晝悠然興味嘉斜風斷踈雨遠樹障晴霞魚  
躍動文藻鳥啼驚落花獨憐雙鬢短筆硯老生涯

長日費吟咏終年典校讐宦情真落落生事只悠悠雨  
後荷花晚風前麥氣秋禁林即仙館何必問瀛洲

載筆晨趨閣庭空暑氣清雲移窻上影雨送樹間聲近  
檻馴鳥集當筵舞燕輕當時乏經術哀颯愧吾生

自謂年非邁誰知老見侵靜觀天地化洞識古人心積  
雨生塵潤微涼解鬱襟何時乞恩澤歸老遂投簪

聖主崇儒術新開白玉堂文章陋秦漢禮樂洽虞唐製  
作衣冠盛恢弘運祚昌吾儒膺寵遇獻納愧班揚

贈貢士楊紵赴南海訓導

楊子青雲彥儒官稱好才遠從南海去還自日邊來綵  
服榮家慶慈顏樂壽盃題詩慚潦倒臨別重徘徊

扈從車駕巡邊過裴村田舍與楊少傅共酌

清朝催上道出郭聽鳴笳野水流冰澗江風漲雪沙清  
談駐鞍馬小酌坐田家扈蹕慚衰邁祇憐兩鬢華

晚次白河

日晚白河上千官向北留天光臨御幄雲氣護宸旒柳



外輪蹄集山頭獵火收故人同寢食夜語獨綢繆

早發白河

禁營傳四鼓驅馬復晨征野曠風威重天空月影清衝  
衝雜人語喔喔亂雞聲敢憚勞行役空慚負老成

晚次峪口

遷迤從鑾馭山川記昔年時巡重講武事豈在遊畋碣  
石東臨海居庸北枕燕帝京渾咫尺王氣滿中天

營門候駕

羽林初罷獵，萬騎擁霓旌。  
馳道鳴笳合，前茅列炬明。  
充庖驚滿載，得雉快先聲。  
久立瞻鑾馭，虹光徹御營。

廿五日早奉旨同楊少傅先歸京

衰年同扈蹕，特詔許先歸。  
出郭星垂野，渡河霜滿衣。  
遠村雞亂語，斜月雁高飛。  
回首天營內，朝陽五色輝。

同楊少傅蹇夏二尚書過山寺

因小酌作小米飯

野寺渾蕭索，經行駐馬鞍。  
饑鳥啼樹杪，獨犬吠雲端。  
小酌僧同話，新炊客共餐。  
題詩記行迹，偶得共盤桓。

晚同楊少傅蹇夏二尚書宿田家

馬頭瞻落日尋宿過田家  
野老欣相得村醪不用賒  
田園樂豐歲耕牧足生涯  
搖落秋將盡因之感歲華

梁叔莊墨竹

泰和訓導本之子也

別館多幽思蕭蕭玉幾竿  
玄雲動蒼石飛翠拂清湍  
雨露資涵育冰霜慎保完  
莫忘君子意撫翫有餘歡

為楊學士勉仁題小景

積陰生巨壑飛翠落崔嵬  
古木雲蘿暗蒼崖雪瀑開  
幽

人揮塵坐穉子抱琴來想有登臨興看圖日幾迴

贈江陰嚴訓導

春宮方進賀行李又言旋冰雪三冬候關河萬里天斯  
文慎自保交誼久愈堅泮水諸生在瞻思意獨懸

思親堂為永豐鄒氏賦

患難違鄉里聊茲寄一杯江山餘涕淚雨露感春秋宿  
草寒雲重封丘晚樹稠昊天思罔極南望遠松楸

哭子武安

三首

念爾歸何處呼天竟莫知  
愛深難遽割撫字獨增悲  
魂魄應常在他生不可期  
一朝成永訣再見復何時

生死嗟何及徒增父母哀  
肝腸愁欲裂淚眼痛難開  
近日猶疑在從今去不回  
但期收爾骨歸葬故山隈

爾生纔四歲風骨最堪憐  
已解攤詩卷還能弄簡編  
提攜從我後出入在人前  
命也真如此朝朝訴彼天

輓邵處士

客有邵平者風流自可人  
江湖曾浪迹泉石舊為隣  
月

暗梅窓夜烟寒墓草春南湖歌楚些聞者欲傷神

送武安同福安柩歸西江

弟兄幸同返相送在東城不盡生前意難勝死後情天涯歸柩遠萬里一舟輕回首金臺上吞聲淚若傾

內閣獨坐有感偶成

二首

人事祇如此蹉跎又一年虛名徒竊祿白首未歸田秉筆慚周史臨文愧馬遷太宗遺業在撫卷重悽然

東閣寒初入垂簾坐夕曛乾坤雙鬢老筆硯半生勤落

葉飄城雪哀鴻度塞雲哀遲徒感遇忝竊愧斯文

贈主事劉孟鐸還廬陵省親

京國言歸省庭闈喜具存綵衣榮晚節紫誥沐深恩  
婉婉承甘旨從容候清溫遙知稱壽處賓客日填門

輓南昌李良卿夫婦

襄府紀善祈之父二首

早客西江外黿山竟未歸望迷先壠遠夢與故鄉違  
鶴化悲秋月牛眠對落暉欲題高士傳撫卷重歔歔  
內助資賢淑閨闈仰德儀貽家教儉樸閱世享期頤  
竹

暗秋風冷螢殘夕露滋百年同穴意埋石有銘詞

輓禮部侍郎蔣良夫

到官二十六日而歿

君是我同年詞林誼獨全南宮去幾日別館已聞仙空  
負嚴親望猶興聖主憐今朝歸旅櫬惆悵淒風烟

喜克超袁君至

遠道逾三月今朝抵玉京相持喜不定傾倒若為情問  
事知鄉曲因風想弟兄燈前謾酬勸不覺過深更

輓楊子恭先生

自號顛道二首



先生清介士抱道獨深藏傲世非關僻潛名豈自強  
山林成獨往魚鳥自相忘前輩風流盡悲吟只慨慷  
雅操冰同潔高懷鶴共清吟詩自可老避世豈謀生  
遺後銘先著知歸葬自營九原去已遠無復見儀型

甥光烈自蔚州歸喜而賦此

昨夜燈花結今朝喜鵲聲忽聞行李至憂思一時平  
關塞聊須到山川記此行壯遊真不薄期爾早知名

輓袁君南恕 二首

平生稱曠達，削迹謝浮榮。  
詩酒堪娛老，田園足治生。  
看山時覽眺，閉戶少逢迎。  
萬里聞哀訃，難勝故舊情。  
避俗人皆棄，安貧世共遺。  
臨風歌對酒，倚竹坐題詩。  
雨冷閒松榻，燈昏冷蕙帷。  
青山對馬鬣，引領淚交頤。

贈友人還萬安

舊隱五雲下，翩然又賦歸。  
秋風三逕菊，春日北山薇。  
牛渚雲連樹，龍河雪滿衣。  
歲華看漸暮，忍見雁南飛。

贈福建陳學正省親

金匱要略卷三  
涼風日夜起送客不勝情黃葉雨中落斷鴻雲外聲故鄉千里遠行李一身輕應想趨庭日爭看彩服榮

贈舒城朱知縣

為說舒城宰廉聲滿帝鄉化行推單父種德比甘棠天闕風雲會瑤堦雨露香丹心期補報致治效虞唐

題愛同堂卷

嚴親久淪沒慈母幸康寧鞠育同恩愛悲歡異死生倚門猶慰意陟岵不勝情錫類資純孝鄉閭有令名

題蕭氏虎溪卷

長溪如虎踞卜宅自何年  
水影通簾幙雲光照簡編  
晚涼開竹迳春暖種芝田  
何日尋幽隱清談煮石泉

題曾原太友琴軒

良朋不可得雅好託桐君  
白雪心難變金蘭誼獨親  
高山千載意流水四時春  
古道今寥落空懷大雅人

題南康馬教授匡山書屋

匡山渺何許結屋在雲邊  
泉響通書幌嵐光照簡編  
澗

猿聽夜誦林鶴伴朝絃奮步追高躅明當繼昔賢

題襄陽司訓黃公器竹居

脩竹淨如洗脩脩數百竿捲簾通翡翠散帖映琅玕涼  
月分秋色炎風生晝寒知君慕高節獨立倚雲端

題蘭谷

種蘭在幽谷清絕少人過香露侵衣潤光風拂席多瑤  
琴無俗韻澧浦有遺歌芳室薰融久應知德不磨

贈周彥奇僉憲雲南

遠別向滇陽華筵酒滿觴驪駒方載道白簡已飛霜塞  
外碧雞近雲間鳥道長遠人今向化努力輔藩方

題行素軒

之人安素履守分獨無營風月閒中趣琴書物外情捲  
簾流水近歌枕白雲生擾擾奔馳者何勞身後名

贈蕭主事之官北京

故人膺寵命改調理刑曹恩露沾新綬天香染舊袍征  
帆迷雪樹去路接雲濤到日重回首遙瞻魏闕高

金史卷之三  
卷三  
贈徐中書崇威還家

京華歲將暮，謁告獨還家。  
客路霏霏雪，寒梅處處花。  
綵簾娛愛日，壽酒酌春霞。  
回首隔蓬島，相思夢更賒。

贈友人考滿復任

三年初上考，千里獨還官。  
驛路梅開盡，都門歲易殘。  
棹歌江上發，山色雪中看。  
莫道卑棲久，飛騰總不難。

輓杜若洲 二首

驅馳二十載，寧復歎官卑。  
碩德鄉人重，清名海郡知。  
滄

洲存舊業墓石有新詞春草年年綠思君總是悲

先生高世士早歲已知名白髮悲游宦遺文歎老成故  
山秋鶴怨宰樹暮猿聲令子能傳業徵詞為勒銘

輓德清屠誠

去京能幾日忽復訃音來玉樹傷先殞芝蘭痛遽摧憶  
歸常問事惜別屢持盃惆悵湖山外傷心淚滿顙

孟秋時享齋宿翰林

官署清涼後清心坐夜分鐘聲雲外下玉漏雨中聞茶



熟銀瓶注香消金鴨焚揚雄生事拙白髮愧能文

題南園琴趣

閒居慕恬曠雅趣在南園山水留遺韻烟霞隔世喧幽  
蘭宜獨操大雅共誰論我亦知音者何時一過門

題清碧書舍

愛子讀書處幽懷孰與同青山當戶牖綠樹隱簾櫳濯  
足過秋渚鳴琴坐澗松故居回首日總在畫圖中

贈太僕寺丞吳鑑復任滁陽

闕下久蜚聲還官荷聖明涼風生祖席踈雨濕行旌秋  
晚驂騑健天高鴻雁鳴滁陽山水好圖畫有餘情

贈鬱林州判

鬱林渺何許遠在海西頭念子有行色離情逐宦遊曉  
雲隨綵旆夜月引仙舟好為宣王化從容展壯猷

贈龔子諫僉憲雲南

萬里南雲道君行佐臬司交游憐宿昔遠別繫深思衣  
繡瞻飛鶚乘驄問碧雞遐荒宣德意攬轡重詢咨

贈人遊錢塘

錢塘古名勝，念子事重遊。  
湖山迎畫舫，海月映紅樓。  
錦樹千堤曉，銀濤八月秋。  
幾時尋賀監，一笑解吳鉤。

贈知縣任連江

拜命出瑤京，郎官動列星。  
馬嘶驚遠道，鵬運起滄溟。  
越樹連雲白，閩山入眼青。  
到官敷善治，撫字念疲氓。

題西園清興

伊人慕清賞，舊隱在西園。  
竹影自臨砌，泉聲時到門。  
看

雲晨拄笏乘月夜聞鶯一自膺名宦幽懷孰與論

豐樂堂為周宜民賦

海內隆平日皇恩徧邇遐大田多黍稌比屋見桑麻  
旆誇盈廩穰穰慶滿家芹湖羹飯美尚擬泛雲槎

北征隨駕誓師鳴鑾戍

周宣驅獫狁漢室靖樓煩戰伐需良將神謀仰至尊  
威開大漠仙仗御曾氛壯士心如虎爭圖報國恩

題胡宏仲奉萱堂

堂謾久無恙阿母晚尤康鶴髮春雲重潘輿愛日長花  
前滌澹具膝下綵衣香節孝敦流俗門閭倍有光

題習編修梅坡卷

種得梅千樹盈盈雪滿坡捲簾踈影亂拂席暗香多東  
閣臨風翫西湖載酒過高情政如許賦罷一高歌

題扇贈郭慎思

山光澹如洗野色淨氛埃流水緣溪出柴門隔塢開白  
雲生澗曲綠樹蔭莓苔為問抱琴者相過日幾回

題李惟瞻修德齋

端居謝塵鞅力學慕先民獨進功尤密勤修業自新詠  
歸川上晚絃誦雨中春撫卷看遺墨懷人重愴神

贈蕭性善還家省親

違隔雙親久歸心一夜生綵衣天上別畫舫月中聲未  
說珍鮭美先占喜鵲鳴升堂展家慶重九酒須傾

塞外初度日感懷

余生過四十深恐負前期報國當今日思親在此時功

名猶未立鬢髮欲成絲兀坐無聊賴長歌意轉悲

五言排律

元夕賜觀燈

廿六韻

聖主敷文德朝廷戢武功熙辰千載遇樂事萬方同  
令節逢元夕靈輦駕碧空危峯遙對峙邃谷密相通  
火樹千花粲星橋萬點紅葩分金錯落枝綴玉玲瓏  
翡翠粧珠闕琉璃恍貝宮魚龍陳仗外鸞鶴下雲中  
雜遝羣歌進喧騰百戲工觀遊來稱耄朝會集華戎  
貌虎森飛將

貂蟬列上公爐烟三島合香霧九霄濛鳳輦當晴漢鸞  
旗簇暖風碧紗圍菡萏繡幄透芙蓉露掌承華蓋銀橋  
亘綵虹丹青開列嶂羅綺艷芳叢夜久祥光動春遲淑  
景融御筵稱壽酒玉陛拜重瞳果熟瑤池獻蓮開寶幃  
籠踏歌聲款款疊鼓韻逢逢海宇逢時泰閭閻樂歲豐  
謳吟紛載路拊舞效呼嵩漢代衣冠盛周家禮樂崇兩  
京陪扈從千載幸遭逢自感恩榮盛寧知刻漏終願陳  
天保什永世播無窮



和胡學士立春日韻

雪壓殘年暮驚逢萬里春  
趨朝瞻昧爽慶會及芳辰  
日月開黃道雲霞煥紫宸  
御爐香細細玉佩響振軒  
冕臨丹陛簫韶合大鈞  
班行分鷺序冠劍集魚鱗  
福履臻遐壽嘉祥協至仁  
從茲陽德盛行覩歲華新  
忝作詞垣客慚非獻頌臣  
宴酣歌湛露深荷寵恩頻

端午內苑賜觀擊毬射柳

紫苑東華北霓旌拂曙來  
錦裝千隊合伏列兩朋開  
劍

戰明初日衣冠映上台  
橐韃屯虎士  
匱匣引龍媒  
花簇金毬度  
雲隨綵仗迴  
抗弦輕斲柳  
飛鞚不生埃  
閃閃揚旗過  
逢逢疊鼓催  
奪標爭決勝  
得意每先回  
光祿筵初罷  
瑤池宴屢陪  
御香霏曉霧  
大樂殷春雷  
聖德同天地  
恩光被草萊  
風雲俱際會  
文武屬良材  
北斗尊宸極  
南山進壽盃  
太平歌既醉  
忝竊愧非才

分題得鍾山霽雪送友人還江右

危峯猶積雪  
衆壑已清暉  
野迥初激霽  
冬嚴漸解威  
鳴

崖鏘珮玦糝逕晃珠璣樹老擎偏重泉寒落正微陽林  
渾欲盡陰谷未全晞樵客行應滑棲禽暖乍飛山空驚  
歲晏臘盡覺春歸自憤趨朝慣那堪故舊違一尊傾客  
路匹馬出京畿惆悵難為別臨分重把衣

喜雪應制

新冬初屆候瑞雪已先呈歷亂騰空密飄颻着地輕凝  
華連禁闥積素隱雕楹未覺瑤池滿旋看輦路平侵衣  
明珮玦入戶散瑤瓊日下銀為屋天邊玉作城穿林疑

有影墜竹不聞聲澗瀼欺歌扇悠揚濕翠旌閭閻多喜  
氣中外洽歡情宇宙氛埃淨山川瘴癘清兩儀資變理  
羣物賴生成一統乾坤壯中天日月明有年臻瑞慶嘉  
穀兆豐盈四海期康阜邦家協永寧

詠雪分韻得珂字

旅館年將暮都城雪更多低回飄苑樹歷亂集庭柯雜  
霰沾衣袖隨風拂珮珂天空連浩蕩野迥接坡陀滄海  
收初日層城眩夕波積深藏薜荔墜下壓松蘿盈尺將

平砌凝澌欲凍河映梅紛的皪綴柳自髣髴近向尊前  
落斜窺隙穴過瑤池銀作水禁署玉為坡委巷封車轍  
填門失蟻窠捲簾輕可撲入手淨堪按滉漾驚烏鵲續  
紛掩素娥重重勝楚練粲粲擬吳醴谷口迷樵逕汀前  
失釣蓑歸人先罷市織婦早停梭影奪瓊田鶴光翻墨  
沼鶯映窓書可把拈筆硯頻呵出郭愁驅馬趨朝畏滿  
韉不嫌氈獨冷已覺鬢先皤陶穀情偏洽蘇卿節不磨  
梁園曾授簡郢客尚傳歌瑞氣方融結祥光欲盪摩紫

宸明玉座瑣闥淨  
琬戈潤物功彌博  
均施德匪頗三農  
占歲稔四海頌時  
和自足消氛祲從  
茲去札瘥作詩慚  
鄙拙才薄柰予何

瑞雪詩

有序

臣聞聖人之德以和召和所以參天地贊化育而納  
天下於仁壽熙皞之域者非偶然而致也洪惟皇上  
以至聖之德嗣承大統自蒞阼以來萬方嚮化九有  
寧謐天心悅鑒諸福畢臻迺宣德四年冬十一月乙

卯冬至前四日同雲勃興降以霽雪山川草木鮮明  
朗耀中外歡揚咸曰此聖德所感以福蒼生為田野  
豐稔之應皇上心存謙抑乃歸之於天地祖宗及文  
武臣僚翼贊變理所致特御宸翰作喜雪之歌以頒  
示羣臣其鏗鉤震耀於千載之上者可謂盛矣臣仰  
惟皇上至仁盛德恭已無為寬恤之仁決於遠邇所  
以然者蓋以一己之和推而為天下之和以一己之  
福推而為天下之福斯以上天降祥屢錫豐年及茲

長至雨雪應時揆之古昔若堯舜之輯萬邦禹湯之  
敷佑下民不是過也臣伏覩聖製不勝欣抃之至謹  
拜手稽首而獻詩曰

盛業開千禩皇威肅萬方一陽初屆候三白已呈祥盡  
夕迷蟾影連朝隱旭光鋪橋明蛸蛸覆瓦失鴛鴦輦路  
瓊瑤襯朝宮寶玉粧輕盈飄廣陌宛轉度迴廊川嶽同  
高下乾坤接混茫鬪奇宮樹側呈巧御階傍簾捲琪花  
濕車行縞帶長雕楹斜點染繡檻遠悠揚重壓虬松偃



深埋虎石歲聯翩  
霑几席散漫集瓊璫  
沛澤滋羣品氛埃  
淨八荒從天消瘴  
癘入地殄螟蝗百  
辟歡逾洽三農喜  
莫當九重頒聖製  
五彩煥天章宗社  
鴻圖遠朝廷運祚  
昌作詩歌聖德永  
世紹虞唐

古圖山水

平生愛山水對此意無窮  
遠樹參差合流泉屈曲通  
花明紅雨落谷暗白雲封  
鹿飲過青澗猿啼隱碧峰  
鳥歸秋崦外人語夕陽中  
為問武陵客桃源何處逢


欽惟聖天子嗣大歷服簡用舊人懋圖治理覃布恩  
德綏懷萬方天地清寧海宇乂安乃以宣德戊申二  
月廿八日命少師吏部尚書臣蹇義臣幼孜等凡十  
有八人乘馬將僕隸從遊萬歲山已又命乘御舟泛  
太液池徧歷小山諸處維時風日暄朗景物明麗氛  
埃屏息佳氣鬱葱心目舒暢得以周覽奇勝復蒙天  
語從容慰勞賜以醇醪珍饌俾盡飲至醉恩意深厚  
寵賜便蕃誠終身之榮幸千載而一遇者也臣幼孜

無任感激之至謹賦五言長律一首上進伏乞聖覽  
不勝幸甚詩曰

朝廷多暇日詔許從宸遊  
聯騎經東苑揮鞭過御溝  
漸瞻瓊島近窺對小山幽  
巖竊凌霄漢清虛動斗牛  
盤承金露重棟拂玉虹流  
疊石蒼苔合懸崖古木稠  
林高巢巨鵲壑邃舞潛虬  
馳道迴鸞馭花陰駐紫騮  
空中香霧滿日下紫氛收  
太液相環抱波光欲蕩浮  
泓涵通碧海澄澈透靈湫  
翠荇翻紅鯉輕瀾泛白鷗  
碧桃晴雨潤楊

柳暖風柔忽喜傳天語聯翩載御舟醇醪分玉笋香茗  
溢金甌冠蓋隨雲氣歌謠應棹謳迂迴循岸曲遷迤歷  
城隍真似經三島猶疑訪十洲烟霞圍勝境日月駐丹  
丘列籍依芳樹開筵望翠旂九重頒異果多品列珍羞  
擊節諧歡笑持觴屢勸酬遭逢恩獨厚感激賜還優聖  
德乾坤大神功舜禹侔華夷覃霈澤遐邇戴鴻休治世  
雍熙盛優賢禮數周不才叨侍從末學乏謨謀幸數承  
清問常時近冕旒虛心勤至道當宁納嘉猷再拜陳篇

什皇圖衍萬秋



金文靖集卷三

欽定四庫全書

集部  
金文靖集卷四

詳校官編修<sub>臣</sub>裴謙

中書<sub>臣</sub>劉源溥覆勘

總校官進士<sub>臣</sub>朱鈐

校對官中書<sub>臣</sub>楊世倫

謄錄監生<sub>臣</sub>王聞

欽定四庫全書

金文靖集卷四

明 金幼孜 撰

七言律詩

和谷庶吉士楊之宜就東宗豫大學士士奇諭德  
及翰林諸同志 九首

西風露下碧溥溥久別羈懷有萬端遊子自驚鄉夢遠  
慈闈應念客衣寒雲連南浦低回鴈木落空江湧浩瀾

東閣故人如見憶新詩還許寄來看

廣寒宮闕載丹丘攬轡親隨御輦遊  
林外好花多映日澗邊瑤草不知秋  
恍疑飛步凌三島絕勝歛筇過十洲  
此日登臨膺寵渥相思不見重離愁

都門翹首思如飛萬里鄉山入望微  
久客情懷隨處好故人書札近來稀  
江南落日孤雲遠旅館西風一鴈歸  
昨寄黃庭緘遠意使來應想達京畿

太平海宇被皇風御輦時巡出九重  
獻納極慙才力薄



遭逢更荷聖恩濃，未忘退直聯車騎。  
猶憶同朝聽早鐘，回首帝京天咫尺。  
鍾山雲氣盡成龍。

日射天門烏亂啼，朝回祇在掖垣西。  
玉堂視草迴鸞馭，內苑看花散馬蹄。  
太液波光臨闕近，西山雲氣入簾低。  
欲知別後承恩好，時有天香滿袖攜。

十年謬忝戴朝簪，歲月欺人老易臨。  
報國未酬明主意，託交深識故人心。  
太平製作過前輩，早歲聲華在禁林。  
何日西窓同剪燭，尊前夜雨聽新吟。

扈蹕叨陪侍從臣後車寧敢附麒麟  
三春跋涉秦淮道萬里經行析木津  
薄宦十年違梓里丹心此日係楓宸  
南來冠蓋多如雨欲賦長楊愧後塵

春風躍馬上燕臺一覽江山亦快哉  
盛世遭逢叨寵眷微生報答愧非才  
已從瓊島看花去還憶長楊獻賦來  
早晚元戎清朔漠先期扈蹕日邊回

金水橋東謾卜居趨朝日日侍皇輿  
心懸北闕青雲近日接南天樹影疎  
遠客風流應未減諸公文采復何如

癡兒無事煩深念，懶鈍寧能讀父書。

隨駕至昌平登萬壽山

萬里平原入渺茫，淡烟疎雨曉蒼蒼。  
河流北下連滄海，山勢西來接太行。  
小洞人家雞犬靜，雲邊石室水泉香。  
經行不異桃源境，駐目憑高意轉長。

和胡祭酒快雪喜晴之作

九月廿八日也

黃雲萬里夙相連，六出飛花點座氈。  
凍合龍樓初試火，寒侵鶴氅欲添綿。  
御溝澆漾銀波靜，瓊島微茫霽景鮮。

最是玉堂清似水捲簾呵筆寫鸞箋

禁中對雪和鄒侍講韻

都門向曉雪交飛獨步偏宜鶴氅衣天近蓬萊銀作屋  
地迴粉署玉為扉酒窓更恐踈簾過拂帽還將短袖揮  
已卜豐年多瑞應一尊共賞莫相違

再和曾侍講韻

凍雲壓地曉寒清剪出瑤花片片輕撩亂欲迷鴉鵲觀  
霏微遠度鳳凰城湘簾半捲飛還落輦道經行掃更平

向晚玉堂光可燭細看書卷獨分明

和答祭酒胡公移居

故人遠自西江至借得幽居意自新  
茶竈筆床忘俗慮  
紙窓石榻淨氛塵  
賓朋問候時相過  
雞犬移來久自馴  
共喜北來風景好  
霜晴十月暖如春

退朝口號和答祭酒胡公

金闕差栽聳巨鼇  
慶雲五色護龍袍  
西山瑞雪浮佳氣  
太液微風颺碧濤  
載筆每聞天語近  
退朝還覩日華高

玉堂承詔多清暇歌詠猶能試彩毫

十月三十日思親

生我於今四十年每懷報德負蒼天  
身留北闕違桑梓望盡南原隔墓田  
郡有清名傳死後人懷遺愛在生前  
客居此日偏多感洒淚西風獨惘然

次許鳴鶴至日韻

初陽隱隱動微和卜歲占雲竟若何  
天近九重香霧暖日迴萬井瑞烟多  
北來旅寓隨萍梗南望鄉山隔薜蘿

共沐聖朝恩渥重且須對酒一高歌

冬十一月廿三日隨駕閱武於齊化門外

聖主從容事閱兵鑾輿向曉出都城三軍勇悍今無敵  
萬騎驍騰舊有名牙帳風生鳴鼓角期門日暖動旄旌  
早須漢北銷氛祲海晏河清頌太平

讀文丞相傳有感

憶昨中原板蕩秋銜哀日夜在興周全生不為功名計  
後死空懷社稷謀皎皎丹心明日月巍巍大節重山丘

北來弔古看餘錄祇在當時已泪流

晚歸自玉堂偶成

詞林退直過昏鴉緩轡垂鞭踏月華風急斷鴻低粉堞  
天寒羸犢困柴車誰家步障隨絲管何處鐃歌雜鼓笳  
漸喜客居生意好底須物外避諠譁

皆山軒為太僕寺丞吳性泉賦

滁上幽居盡日間捲簾面面對青山烟中樹色自遠近  
天際浮雲時往還酒醒聞鶯過別墅興來洗馬坐松間



故知吏隱多真率何日相從一解顏

和韻答梁修撰

風清馳道散香塵日共趨朝侍紫宸  
瓊島雪寒猶待臘御溝冰泮已回春  
異鄉慰藉煩朋友久客睽離念老親  
慚愧菲才叨寵遇深期報答在茲辰

輝輝旭日照高臺暖氣還從上谷回  
香霧細薰池上草紅霞低映水邊梅  
故人病起耽詩句羈旅豪來縱酒盃  
總道殘年霜雪少春光先已到蓬萊

禁城雪後暖初生  
草樹凝暉炫曉晴  
仗簇青雲開雉扇  
香通紫禁度鸞笙  
中天日月懸雙闕  
一統山河奠兩京  
幸喜承恩偕扈蹕  
朝回時共散珂聲

凝清堂為姚府尹賦

玉雪襟懷鶴氅輕  
畫堂燕坐有餘清  
捲簾自愛青山好  
隱几不聞啼鳥聲  
日轉暖雲當戶靜  
雨餘碧草上階生  
就中此意誰能識  
歲久應知太守情

贈太僕吳寺丞還滁陽

昨來呈馬御樓前五色龍文照錦韉喜見承恩來日下  
忽看行李出天邊河流夜繞盧溝月闕樹晴連白塔烟  
臘盡春歸能幾日到官應是及新年

次若思胡祭酒立春日早朝

客裏殘年逢立春清宵待漏拜楓宸玉階旗影飄晴雪  
馳道珂聲動紫塵綵燕鬪簪幡勝好芹芽試簇菜盤新  
鑾輿暫退聞呼喚賜宴先傳及近臣

次羅修撰元旦紀事

漏聲未徹禁鐘催絳闕熹微曙色開仙樂近從三殿出  
香烟還傍九霄來西山王氣連蓬島南極恩光被草萊  
此日履端同獻壽陽春屬和羨多才

次胡祭酒元日早朝

未明鹵簿已先陳鳳蓋鸞旗五色新銀燭影含雙闕曉  
簫韶聲合九重春金函奉表來羣辟卉服隨朝進遠人  
共祝堯年歌聖德燕南萬里淨風塵

和子啓曾侍講元日早朝

金鑪裊裊瑞烟輕銀燭煌煌拂曙明天轉蓬萊紅日近  
春回閭闔暖霞生九霄斧鉞開仙仗萬國衣冠會玉京  
忝列鵷行稱聖壽三台遙覩泰階平

喜友人郭子成赴召至京夜宿旅舍賦此奉東

睽離已是五年餘又復相逢在客居白首誰憐多患難  
丹心自許効馳驅金臺夜月生歸夢鯨水秋風憶故廬  
此夕旅懷應盡解不須對酒重欷歔

黃公宗豫元夕請賞蓮花燈次光太胡公韻

錦簇星房巧樣新畫堂不夜暖生春瓊杯貯露承仙掌  
絳幕流霞度暗塵艷質交輝風度席紅粧低照月隨人  
年年此夕陪清燕傾倒寧辭醉脫巾

贈王尹實判官還潞州

善篆書

三年京國數追遊千里還官寵渥優詩興謾從佳士發  
篆書多為故人留山城臘盡梅初放驛路春寒雪未收  
早晚到州如有暇新詩先寄鳳池頭

贈袁士誨之官孝感

與君相見還相別又捧天書出紫宸江上月移仙棹遠  
花前日照錦袍新河陽舊日民懷惠栢府當年政有神  
自昔郎官當列宿為言撫字在忠勤

贈赤水張經歷矩滿還官

矩嘗為新淦知縣

昔年相見忝諸生此日重逢愧老成紫陌看花同是客  
燈前對酒若為情湘江水暖春來綠蜀道雲開雪後晴  
此去轅門勤贊畫佇看鶚薦有公卿

和答光太胡學士至日喜雪之作

微陽初動煖生灰  
晨雪霏霏應候來  
漸覺飛花迷粉署  
忽驚舞絮滿瓊臺  
銀河有影光初合  
金水無聲凍不開  
總道豐年三白好  
且須酌酒勸深杯

和若思胡祭酒至後詠懷

二首

學省朝回無一事  
鉤簾坐看雪飛花  
故人問字或載酒  
穉子敲冰時煮茶  
東閣十年同載筆  
西江千里共思家  
昨朝葭琯陽初動  
時覺新袍煖漸加

花樹凝暉散彩霞  
禁梅融雪吐輕花  
玉堂進講仍分直



光祿傳餐更賜茶報國自期心似鐵浮生已分客為家  
太平幸際重熙日喜見新陽霈澤加

壬辰會試受命作考試官

恭承詔命簡羣英慚以非才秉鑑衡五夜奎光垂玉座  
九重曙色動霓旌明時養士闢興運此日掄材係聖情  
不獨有周歌棫樸朝陽佇聽鳳凰鳴

二月八日入試院奉柬諭德士奇諸同志

羣才濟濟會南宮奮筆爭超戰藝中江海魚龍乘化雨

雲霄鵬鶚借長風文章自昔歸時論選拔由來合至公  
聖代求賢思治理共須努力副宸衷

青山白雲圖

十年京國夢林丘此日披圖憶舊遊  
窓戶烟雲晴欲合樓臺蒼翠晚初收  
長橋流水通行客落日滄波起棹謳  
為問玉山渺何許此身先已到瀛洲

竹林書屋為劉子樵賦

萬竿蒼玉護茅廬清絕偏宜隱者居  
五月綠陰連戶牖

三秋涼翠濕衣裾閒裁汗簡供吟詠醉寫琅玕入畫圖  
何日考槃能遂願相從三逕引柴車

分題得黌館絃歌送蕭太守伯辰還深州

太守興賢費琢磨諸生歲久沐餘波黃堂晝永鞭笞靜  
泮水春深雨露多已喜閭閻興揖讓屢聞父老誦時和  
州人自此敦風教不獨文翁有詠歌

贈石彥誠之官徐聞

故人取別大匆忙行李朝來發帝鄉當代求賢思治理

昔人作縣重循良過家臘盡懷桑梓度嶺春來避雪霜  
海上到時官事少題詩日日對枕櫺

贈黃思恭先生受誥還永嘉

迴鸞五色散天香鳳翥龍飛粲玉章聖主褒封昭盛典  
先生拜賜荷恩光大夫命服尊鄉里學士官銜壓右坊  
此別但期多壽考永歌天保頌時康

挽蘇伯厚編修

先生交誼重金蘭十載同朝列從官天祿校書知姓字

經筵進講識衣冠花迎旅櫬春雲暗樹掩銘旌暮雨寒  
目送歸魂招不得忍將別酒酌江干

扈從狩陽山次韻答胡學士

時有甘露降

鸞輿曉出五城東從狩儒臣載筆同日下蒼龍隨玉伏  
道前寶馬載琬弓苑松承露枝昏白島樹經霜葉盡紅  
向晚笳聲催疊鼓軍門校獵氣偏雄

扈從再狩武岡次學士胡公韻

二首

曉瞻行殿倚岩堯步入高峯路更遙鐵騎蹴雲開御道

蒼鷹掠野上層霄旌旄高下隨山轉烟火依微隔樹燒  
忝後詞臣慚謏薄幾迴扈蹕逐行鑣

輦道霏霏散紫塵好風晴日煖先春羽林列騎分兵衛  
玉帳迎鑾引從臣香度綵雲瞻御氣光涵寶露沐深仁  
太平久協非熊兆况是清朝集鳳麟

贈李伯葵還廬陵

其子為禮部郎中

二十年前早識君別來幾度想清芬滄洲把釣常聽雨  
林下哦詩只看雲郎署綵衣留繾綣畫圖別意寫殷勤

青原白鷺遙相望把酒臨岐忍共分

臘月四日同楊諭德晚出訪友人李伯葵余回至  
長安街墜馬遂在告數日胡學士先以詩見寄明  
日楊復以詩來相嘲因次韻奉答且以自解也然  
後詩結語蓋答楊意也 二首

雪消官道馬難行駕馭由來未可輕顛蹶泥塗爭失笑  
淋漓衣袖益堪驚浩歌不盡停雲意高卧何勝戀闕情  
忽得好詩相慰藉明珠萬斛照新晴

向晚街頭驚墜馬已瞻歸騎去翩翩  
賤泥未覺沾烏帽墜地寧論浣錦韉  
松火寒爐供夜坐梅花高閣對朝眠  
未須一蹶傷遲暮壯志還應邁昔年

九日侍從車駕出南郊登高

京華此日逢重九扈蹕登臨荷聖情  
萬里河山空斥候三秋禾黍賀收成  
西風旌旆連雲影落日樓臺起笛聲  
慚愧微生叨寵遇永歌天保答昇平

九月十八日扈從車駕出居庸關外較獵



羽士如林亦壯哉長風萬里蹴飛埃  
琱弓射鴈雲中落錦臂鞬鷹馬上來  
絕壁重重圍網近高峰獵獵豎旗開  
從臣載筆長楊裏謗薄慚無獻賦才

和子啟曾侍講勅建內閣之作

中天蓬島鬱嵒堯紫殿瓊樓近碧霄  
樹外遠峰晴入閣花間流水曲通潮  
清朝視草迴鸞馭白晝焚香合鳳韶  
共喜臨池多暇日綵雲時向座間飄

和曾侍講禁中聞鶯

禁城踈雨映紅霞忽聽鶯聲感物華天上幽棲偏自在  
日邊嬌語避諠譁歌餘白晝閒芳樹啼盡東風送落花  
却憶江南成久別坐聽曾到野人家

北京八景

居庸疊翠

崑崙天關復幾重龍飛鳳翥勢偏雄千山黛色落平野  
萬里烟光明遠空峽口人行春雨外樹邊鳥度夕陽中  
北巡記得隨鸞馭曾上雲間第一峯

玉泉垂虹

宛宛垂虹引玉泉  
縈巖出澗淨娟娟  
細通樹底映初日  
遙轉湖陰涵遠天  
魚動翠紋生雨後  
鷗翻細浪起風前  
源源自是歸滄海  
添作恩波徧九埏

太液晴波

禁苑香風散紫埃  
晴波漾日自沿洄  
天光下映銀潢淨  
雲影遙涵玉鑑開  
舊日曾隨仙仗到  
幾時還載酒船回  
從知弱水通三島  
應有羣仙獻壽來

瓊島春雲

蓬萊東望近扶桑  
冉冉春雲接下方  
隔水樓臺通御氣  
半空草樹發天香  
花間駐輦霓旌濕  
海上傳書鶴夢長  
映日龍文還五色  
殿頭常得近清光

薊門烟樹

平野荒荒接薊門  
淡烟疎樹碧網緼  
過橋酒幔依稀見  
附郭人家遠近分  
翠羽落花行處有  
綠陰啼鳥坐來聞  
玉京盡日多佳氣  
縹緲還看映五雲

西山霽雪

海上雲收旭景新，連峰積雪淨如銀。  
晴光迥入千門曉，淑氣先回上谷春。  
瑤樹生輝寒已散，瓊林消凍煖偏勻。  
玉堂相對題詩好，移席鉤簾坐夕曛。

盧溝曉月

盧溝杳杳出桑乾，月照河流下石灘。  
茅店雞聲斜漢曙，汀沙鴈叫早霜寒。  
水光微帶山烟白，野色遙連塞草殘。  
千古長橋枕南北，憶曾題柱倚闌干。

金臺夕照

迢遞金臺近日邊偶來登覽尚依然萬家禾黍秋風外  
十里旌旗落照前遠郭砧聲來杳杳平原歸騎去翩翩  
黃金謾說能招士千載猶傳郭隗賢

元夕賜午門觀燈

四首

鼇山高聳架層空萬燭燒春瑞氣融星動銀河浮菡萏  
天垂瓊島綻芙蓉行行綵隊穿華月曲曲鸞笙度好風  
自是太平多樂事君王要與萬方同

鳳輦初臨鼓吹喧  
千官環侍紫宸邊  
九門燈火雲霄上  
午夜山河錦繡前  
春散爐烟浮樹暖  
月移寶仗映花妍  
從臣忝預傳柑宴  
既醉猶歌湛露篇

天上紅雲濕翠旗  
樓前燈影動呆愚  
御筵花煖歌聲近  
紫禁風清玉漏遲  
中使傳宣還賜果  
詞臣獻賦更陳詩  
華夷盡道承恩澤  
千載昌期際此時

萬朶金蓮徹夜開  
滿簾香霧隔蓬萊  
遙看鼇背雲中出  
喜見仙人海上來  
拂曙星河低絳闕  
凌空鸞鶴上瑤臺

笙歌一派春如海共進吾皇萬壽盃

賦玩藻軒

新構華軒小池上閒來玩藻亦多情  
紫莖蕩日綠波動翠葉翻風細浪輕  
自昔舜裳昭盛美况聞魯泮播嘉名  
極知文采歸吾輩育德相期更老成

贈許闕時還文江

共說君家兄弟好容儀楚楚羨多才  
兄從載筆兩京去弟復將家萬里來  
行李暫留殘臘住扁舟却向早春回



客中相送情難盡愁賦歸鴻對酒盃

次用之梁贊善人日觀駕之作

四首

森森羽衛肅清晨扈蹕千官候紫宸旗擁交龍收宿雨  
輦隨丹鳳輾輕塵三陽應候頻占歲七日宜晴自可人  
極知聖德同天運萬彙從茲又一新

朝罷金輿出建章慶雲五采絢晨光霓旌拂樹開仙蹕  
寶馬穿花散御香金水繞梁初泛綠仙醪貯甕尚封黃  
醵京侍宴沾恩澤獨對南山獻壽觴

幄殿當中錦繡開  
千官先進紫霞杯  
花間合樂晴雲度  
柳下停鑾晝漏催  
日麗綵筵金作屋  
雲迴寶仗玉為臺  
東風澹蕩春先到  
已有陽和徧九垓

萬乘行春展豫遊  
忝從載筆荷恩休  
碧桃花重徧迎輦  
御柳寒輕不入裘  
天香盡日隨冠蓋  
佳氣無時近冕旒  
聞道故人歌詠好  
詩成先擬進瀛洲

賦道鄉先德堂

昔者曾聞鄒道鄉  
至今青史播餘芳  
傳家獨倚詩書重

貽後深知慶澤長門外滄波流滾滾雲邊喬木碧蒼蒼  
西山南浦遙相望何日維舟向草堂

為太僕卿楊砥賦春牧圖

為愛吳興筆法工絲毫一掃冀羣空雄姿駿骨多難辨  
汗血龍媒自不同春暖散遊芳草地雨餘閒卧落花風  
渥洼異產曾親見幾度承恩侍九重

次曾侍講對雪

二首

北風作雪試寒冬遠近飄飄未覺重禁苑鶴迴迷玉樹

長天鴈落避遙峯偏宜映字臨書卷不畏衝寒候早鐘  
最是玉堂清致好煮茶高詠獨從容

落雪如花屬莫冬關河萬里白重重飛花亂點城邊樹  
積素遙遮海上峯雙闕塵消清輦道九城月淡度疎鐘  
平生心事應如許肯與春光鬪冶容

寄伯兄季質及諸弟

四首

弟兄不見十餘年南北相望各一天久別故園空有夢  
新添白髮自堪憐已知放浪烟霞外自愧棲遲雨露邊

愁思滿懷無處着朝回時誦鵲鵲篇

一別滄江十五年每依北斗望南天髣髴毛衰颯交游念  
才學迂踈聖主憐望日獨占霄漢表因風不到鴈鴻邊  
自慚蹤跡長羈旅招隱空吟桂樹篇

金臺為客動經年北望鄉山萬里天書札久無朋舊問  
官居惟有老親憐白雲渺渺西江外歸雁翩翩落日邊  
早晚滄頭逢驛使殷勤為我寄長篇

淹留京國值殘年回首西江隔楚天金馬玉堂容我老

清泉白石為君憐已聞卜宅依雲際尚憶攜書到日邊  
盡道別來多賦詠錦囊珠玉動成篇

除夕次胡祭酒韻

燈前又是一年過久客寧知白髮多天上椒花渾爛熳  
故園生計已蹉跎玉堂詩句聯珠玉華屋笙歌艷綺羅  
獨坐齋居清似水早朝又擬候鳴珂

雲山草堂為楊庶子賦

二首

聞道幽居近翠微好山多與白雲齊柳塘日煖花爭發

門巷春深鳥自啼酒醒每臨松下坐詩成閒向竹邊題  
一從射策金門去風雨年年夢建溪

草堂瀟洒出氛埃疊嶂層雲翠作堆林下日長書帖靜  
溪頭水滿棹船回興來展席看圖畫客至揮毫對酒盃  
倘得承恩歸梓里杖藜還許共徘徊

贈劉院判

舊傳方技獨精深白首難忘濟世心聲譽早知聞禁闥  
交游今喜在詞林種來仙朶頻收穀煉就丹砂欲化金

我為鄒陽偏感激謾酬舊德寫新吟

為雲南楊賦雅樂軒

久住雲南長子孫故家文獻至今存絃歌不廢書連屋  
賓客間過酒滿尊春暖花香晴入戶雨餘山色曉當門  
碧雞金馬應能識此意何時與共論

贈劉校書赴沂州學正

角聲催曉鴈聲寒握手都門話別難行李只留詩卷在  
離筵須勸酒盃乾幾行雪樹臺前見千里雲山馬上看



莫謂沂州羶獨冷校書原是老儒官

贈汝南房公安再任山東參政

昔在山東治績優只今躍馬美重遊九天雨露覃恩澤  
萬里風雲起滯留心事自來如鐵石聲名此去重丹丘  
承宣努力康時政佇聽民謠載道周

贈郭公叙改調浙江僉憲

當年承命忝文衡虎榜高題見姓名衣繡昔從關陝去  
東馳今向浙江行薊門臘盡陽和動沽驛寒消雪水生

深愧臨岐無別贈，激揚好為樹風聲。

贈山陰呂公升服闋僉憲閩中

待漏曉辭雙闕下，秉驄遠出五雲邊。  
交遊愧我叨虛譽，風裁如公羨獨賢。  
客路三冬逢積雪，關河萬里值殘年。  
七閩早晚咨詢遍，猶想登臨攬轡前。

贈吳舍人勝復任還南京

十載抽毫侍禁闈，天官書考共稱宜。  
清宵待漏辭仙仗，幾日看花到鳳池。  
別酒一盃怜夙昔，畫圖半幅寫睽離。

南京故舊如相問為道衰遲鬢欲絲

贈人長蘆鹽運司

栢臺凜凜著清名十載超遷荷寵榮  
風掣滄溟鵬運遠雨晴官道馬蹄輕  
地空積鹵烟光迥海闊遙天蜃氣清  
自昔煮鹽關國計深期出納慎廉平

輓亡友胡若愚

與子睽離三十年詎期死別隔重泉  
西山鶴唳寒雲外南浦猿啼落照前  
曲度塵消遺藥裏空齋雨冷廢殘編

已聞令弟書潛德欲托銘文與世傳

元夕午門賜觀燈

二首

鳳輦遙臨絳闕前六鼉擁翠出中天花明寶樹分銀燭  
仗簇青霄散御烟五鼓稀聞傳玉漏九重頻得侍金筵  
太平共仰吾皇聖再拜稱觴祝萬年

天仗森森列寶臺教坊初進鼓如雷金蓮夜放輕寒散  
絳蠟春融瑞氣回仙樂慢調雙玉管紫宸頻上萬年杯  
傳柑歲歲承恩渥感遇深慚負不才

贈子魯陳郎中使西域

東風輕騎去翩翩  
王事驅馳念獨賢  
奉詔昔曾煩陸賈  
尋源今日得張騫  
曉經虜部雲連塞  
寒宿穹廬雪滿氈  
兩度玉門今始慣  
殷勤德意在敷宣

贈王所存復任會昌

十年司訓滯山城  
此日重遊歎老成  
闕下偶留俱是客  
天涯送別若為情  
馬融設帳青燈舊  
劉向經傳白髮生  
聖主崇儒恩獨厚  
深期作育報昇平

贈熊自誠還文江

白髮遨遊閱兩京相逢偶得話平生  
花開別館三春夢草綠遙天萬里情  
水驛維舟聞過鴈江亭把酒對啼鶯  
極知令子難為別遠道猶煩寄好聲

三月十日隨駕獵海子上奉簡胡學士楊庶子

暖日融融靜鼓聲條風拂拂動旌旗  
柳間飲馬春泉細花裏聞鶯晝漏遲  
近苑獵迴猶賜饌行宮朝罷更題詩  
晚來獨向都城望雲擁蓬萊五色垂

三月廿二日隨駕出郊外即事

出郊偶得並鞍驂塵俗都忘意自耽桃李花繁正啼鳥  
桑柘葉大將浴蠶遠樹垂羅青似帶遙峰過雨淨於藍  
聞道野人催種秫却令回首憶江南

壽菊為行儉王修撰賦

二首

剪折曾聞出禁垣誰知生意久能存數榮不異烟霞色  
秀植何殊雨露恩盡日幽香迴玉署經時艷彩照清尊  
持茲好為嚴親壽服食區區未足論

玉堂分得一枝來坐對高秋亦快哉  
餘英絢日時堪把  
殘蕊凌風久更開  
祇訝生成資灌溉  
翻憐穠郁勝栽培  
保此孤芳期晚歲  
贈君高詠擬瓊瑰

偶過胄監學正魯才魯出黃精共食之  
因以奉東  
見說黃精出遠方  
製來佳味喜初嘗  
長饒廝處應逢雪  
小甕盛來尚帶霜  
日曝已經三伏暑  
密藏猶和百花香  
臨風泚筆題佳句  
還憶分來寄玉堂

輓兵部盧侍郎淵



經年不見盧兵部忽讀銘文淚滿頤事業已為當世重  
忠勤賴有聖明知浮雲流水都如夢南浦西山總是思  
一劍未酬知己願忍歌楚些送孤兒

贈周至善還廬陵

大理寺正復則之父也

清曉驅車出帝京一尊那及送歸程分攜不盡故人意  
繾綣難勝手足情雪滿匡廬山更好草深彭澤水初生  
到家應慰諸孫望日向花前進壽觥

贈進士錢稽樞僉憲湖廣

新除僉憲湖南去行李匆匆發帝鄉金闕九重分使節  
繡衣五色帶天香雲霄攬轡迴鵬鷺江漢觀風動雪霜  
少日操持期遠大臨分相送意偏長

槐陰書屋為姚少師乃子賦

種來槐樹碧森森高覆茅齋十畝陰積翠滿庭侵綵帙  
清風入座濯鳴琴盍簪時有衣冠集閉戶不聞車馬音  
壯志窮經知有待沉潛須識古人心

歲除時享太廟陪祀

廟門肅肅迓鸞輿環佩珊珊百辟趨大樂升歌將事始  
黃流祇薦禮神初香霏寶鼎浮丹戶氣間簫蕭散玉除  
萬歲皇圖天遠大靈光長護紫宸居

瑞應白鳥詩

二首海陽縣貢獻

聖皇端拱致雍熙遠貢祥鳥自海涯素質晶熒疑綴雪  
奇姿淨潔勝凝脂藏輝雅稱棲瓊島映日還宜傍玉墀  
幸際升平瞻上瑞虞廷堪比鳳來儀

仁鳥呈祥特賜觀玉階抃舞集千官霜毫一色逾瑤鶴

玉羽雙明掩素鸞  
五夜崇光生絳闕  
清晨喜氣溢朝端  
吾皇福壽同天地  
仰祝鴻圖萬世安

萬壽聖德詩

四首

天眷皇明膺寶祚  
德隆聖母集繁禧  
塗山啟夏同前代  
太姒興周比昔時  
閨閭只今資善教  
邦家政此賴維持  
太平海宇同歡慶  
萬歲千春仰聖慈

聖母勤勞秉孝誠  
陵園展謁屆清明  
龍輿穩導出金闕  
鳳駕徐行自玉京  
田野耄倪均舞抃  
山川草木總光榮

小臣扈蹕承恩澤願效嵩呼播頌聲

聖母謁陵當令節孝心一念格皇天初看瑞雪清黃道  
旋觀甘霖布大田此日園林鍾王氣長時松柏藹祥烟  
鑾輿歲歲來瞻拜慶澤綿延及萬年

聖母深仁及萬民聖皇至孝貫蒼旻西宮榮養超前古  
長樂歡娛奉萬春壽擬乾坤同久遠德隆家國極彌綸  
臣民處處騰歌頌此日均沾雨露仁

元夕賜觀燈 二首

聖主無為致太平九重歡賞洽輿情東風大地春如海  
午夜星河火作城魚躍鳶飛同化育農歌社舞荷生成  
鎬京侍宴榮恩遇願效賡歌答聖明

天仗森森護翠華從官如雨列簪花教坊樂舞三千隊  
燈市樓臺十萬家寶座星迴瞻御氣宮壺春暖醉流霞  
金吾此夜知無禁處處笙歌語笑譁

次韻答孫孟修

五首

蚤歲詞華邁等流名家知子獨才優芝蘭玉樹推諸謝

碧嶂清江數二劉  
窓下螢光長照夜  
客邊鱸膾屢逢秋  
胸懷已覺吞雲夢  
蹤跡於今半九州

朝朝禁苑接羣賢  
日影那能復計磚  
畫永玉堂頻視草  
夜寒金殿每分蓮  
敢誇詞藻三王後  
誰識文章兩漢前  
千里獨勞詩遠贈  
驪珠萬斛照華牋

蓬萊紫殿壓金鰲  
簪筆時常近節旄  
紅日迫浮仙掌動  
綵雲深擁御筵高  
娛情翰墨知吾子  
叨祿詞垣愧我曹  
幾度歸來清夜永  
天香細細染宮袍

故園松菊未全荒桑梓遙瞻雨露芳自愧青綾屐內直  
長懷白髮在高堂文名敢擬追先漢詩律誰當繼盛唐  
江海羨君才獨健贈來珠玉夜生光

儒官列職侍東曹官轍馳驅敢憚勞載筆屢登金獸闥  
承恩多賜錦鵬袍不栽縣令門前柳慣看仙人洞裏桃  
自是南州多俊傑劍光還射斗牛高

山居八景為大學士胡公光太賦

芳洲春草



滄洲迤邐接長堤草色經春望欲迷  
濃帶曉烟青冉冉  
遠含疎雨碧萋萋  
王孫獨係歸時恨  
謝氏偏留夢裡題  
記得往年長送客  
夕陽江上馬頻嘶

竹塢雲林

憶過滄江問草堂  
萬竿蒼竹倚雲長  
隔簾鶴舞清風入  
卷幔龍吟雨氣涼  
靜對琅玕時拄笏  
閒吹玉管更焚香  
故園久別知無恙  
晚節相期傲雪霜

天玉泉石

白石清泉舊有盟  
長年登覽愜幽情  
危通碧澗生雲氣  
亂灑寒巖作雨聲  
曾共仙翁分玉髓  
或從野客濯塵纓  
何時蠟屐尋幽處  
坐聽松風思更清

石屋晴澗

危石峩峩聳翠巒  
鄰鄰晴影颺層瀾  
四時雲氣當窓近  
五月灘聲入座寒  
日照翠紋浮畫舫  
風含素練動漁竿  
却懷太液恩波濶  
曾從鑾輿倚檻看

滄江烟雨

一望長江際碧空  
淡烟漠漠雨濛濛  
密遮遠樹蒼茫外  
暝拂長林杳靄中  
極浦征帆迷遠近  
荒溪流水亂西東  
滿懷清絕無塵思  
幾度看圖興不窮

墨潭秋月

寒潭烟淨水溶溶  
璧月澄清映遠空  
素練影深涵兔魄  
玉盤光滿落蛟宮  
弄珠神女何時到  
解珮遊人此夕同  
尚想泛舟攜客處  
扣舷一曲對西風

螺岡晚照

螺阜蒼蒼紫翠浮夕陽倒影映河流白雲半壁峰前暮  
黃葉孤村雨後秋漸聽樵歌歸谷遠恍聞僧磬出巖幽  
昔時行處今成夢回首令人憶舊遊

芙蓉寒雪

江上芙蓉萬疊開漫空飛雪淨纖埃瑤林欲凍千峰合  
玉澗無聲一水迴向晚漁樵應自訝清朝猿鶴謾相猜  
玉堂載筆曾同賦坐對西山亦快哉

次祭酒胡公移居禁城之西韻

四首

編茆為屋竹為門  
咫尺嚴城隔市喧  
五夜珂聲花外散  
九霄旗影日邊屯  
行尋紫陌添詩興  
坐對高槐注酒尊  
自昔市朝多吏隱  
不須更羨浣花村

小徑新開長土花  
數椽茅屋靜無譁  
窓前午轉聞啼鳥  
牆角晴來數開蝸  
一榻安身那有累  
十年為客自成家  
詞林退食無餘事  
日日相過問煮茶

抱璞誰言拙似鳩  
官閒十載遂優游  
興來酌酒不成醉  
老去吟詩苦未休  
野馬隨風窓外過  
茶烟颺日鬢邊浮

他年倘遂歸田計有約東山訪舊丘

疎槐涼雨曉來過短服新裁試越羅  
長日閉門人事少清風滿榻綠陰多  
退朝只想尋韋曲投老猶思賦繭窩  
共喜卜居成物色滿懷詩思近如何

內閣新成次大學士胡公韻

四首

祕閣新開紫禁西高甍輝映與雲齊  
娟娟碧樹當窓近靄靄晴峰入戶低  
豈有文章裨黼黻空慚侍從列簪圭  
朝回盡日文書靜花落閒階鳥自啼

同官翰苑忝同年敢以能言擬謫仙  
長日抽書開石室  
清時進講侍經筵  
苑中御氣浮仙掌  
池上晴雲濕綵箋  
好是午朝初退直  
紫薇花裏漏聲傳

五雲垂彩護金鑾  
載筆時臨白玉闌  
未學每蒙宣室問  
不才虛費大官餐  
曹劉未愧風騷遠  
班馬由來制作難  
却憶金莖頻賜露  
晚涼冰署不勝寒

晝長華館自沉沉  
最喜鉤簾得樹陰  
對語黃鸝偏近戶  
多情燕子故穿林  
青雲回首江潮遠  
白髮欺人歲月深

慚愧微生無補報敢忘忠孝負初心

贈子儀張博士還南京胄監

新除博士南京去一騎迢迢發薊城久別未忘鄉里意  
相逢不盡故人情夕陽紅樹孤帆影野水寒雲落鴈聲  
職教成均知不忝深期作育贊皇明

輓史公望院判

三十餘年住帝鄉獨將遺業究岐黃官閒久已忘生事  
朝退猶能校古方月滿杏林秋雨冷風悲橘井晚烟涼



令孫萬里扶歸櫬忍聽哀鴻薦一觴

贈傅以莊無為州同知

為客兩年留闕下承恩此日佐名州  
天香不斷生衣袖大雪初晴送客舟  
報國自能持節操濟時應不乏才猷  
到官尚想憐知己好遣音書慰別愁

贈傅禮讓僉憲還河南

憲府聲華藹縉紳還官總喜慰斯民  
繡衣出殿香烟合紫誥從天雨露新  
千里驂騑開道路九霄鵬鶚出風塵

遙知父老爭迎候驄馬重臨洛水春

輓泥田周煥英

生平孝義有天知父子情深不盡思  
歸骨尚存當日事載銘空使後人悲  
江湖隨處曾經覽風月於今負宿期  
千載高門餘慶在況聞嗣世有佳兒

輓曾鉅光薦

學士祭之長子二首

力期科第繼前人豈料青雲志莫伸  
白日悲風來萬里故鄉函問及三春  
青山雨冷封黃壤舊館燈殘掩素塵

可柰雙親成永訣空餘涕淚灑衣巾

生死茫茫未可知九原一去負深期偶看書札傷前事  
細讀新詩感昔時春雨蘭苔空有恨秋風玉樹不勝悲  
向來哀樂真成夢三尺空令著刻詞

次韻寄祭酒胡公若思蓋嘲之也

老去襟懷誰與開喜聞燕子及春回舊書祇課諸孫讀  
新釀時逢好客來稠疊敢忘知己贈經綸浪許後生材  
一自西江歸卧病幾從天上望蓬萊

輓解潮夫

憶昨承恩乞養歸九原一去更無期弟兄違難人皆惜  
鄉里傷心我更悲令子已聞歸舊業故人還為著銘詞  
追思往事成塵夢回首山陽淚滿頤

輓錢塘潘處士

中書舍人勤之父

湖山舊隱最從容詩酒閑中杖履同總喜高年榮祿養  
親逢聖代沐褒封遼東鶴化驚秋月江上猿聲墮晚風  
令子詞林久相識為吟楚些興無窮

分題玉階春曉送知縣郭瑛還金華

九重初起漏聲稀  
海色曛曠曙影微  
花隱玉樓通御氣  
香霏丹陛散朝暉  
天垂豹尾開仙仗  
日繞龍鱗動袞衣  
朝罷都門一相送  
五雲回首思依依

輓李訥菴

布衣久與世相忘  
德善由來重一鄉  
湖海壯遊詩獨好  
山林清隱興偏長  
閒齋教子書盈篋  
別館娛賓酒滿觴  
一自九原乘化後  
空聞薤露霑裳

送人赴遵化主簿

昔聞作簿數仇香文采如君更莫當  
豈謂鳳鸞棲枳棘終看騏驎騁康莊  
花前對酒清歌發馬上看山別意長  
珍重到官敷善政都門翹首日相望

岫雲軒為泥田周叔昭作

平生心事只悠然杖履逍遙稱暮年  
長愛山光來座上時看雲影落簷前  
花間曉共綢緼合窓外晴兼紫翠連  
亦欲與君尋雅趣投簪何日賦歸田

送江紀善秉心奔母喪還鄉

初聞謁告省慈闈  
豈料仙遊忽見違  
白首未終三釜養  
故鄉空見一舟歸  
松楸有淚傷春雨  
諼草無情暗夕暉  
腸斷東風難把別  
寸心應逐白雲飛

和劉仲良遺子咸詩

為憶雙親及老年  
冬溫須是藉純綿  
初從蠶室分霜繭  
寄自烏臺裏雪氈  
野服裝成宜宴坐  
寒衾製就稱安眠  
極知微物勞嚴訓  
肯使清名汙一錢

輓南昌黃仲謙

禮部郎中鍾之父

昔隱林泉遠利名至今遺德重鄉評  
艱難早見承先業耕學還聞啟後生  
夜雨孤燈間舊榻寒霜宿草翳佳城  
南宮有子敬潛德表墓將鐫太史銘

送胡尚書乃弟歸常州

北來未久即言歸兄弟情深忍遽違  
別館夢回催去騎南宮人醉把征衣  
山迴極浦帆檣遠水濶長空鴈影稀  
想過彭城憶坡穎暮雲回首思依依



送楊稷還泰和

東里先生子也

君家嚴父我知己道義相親三十年  
共說承家推令子  
況聞世德盛名賢歸帆渺渺西風外  
去鴈翩翩落照前  
此別更期敦實好臨歧相送思綿綿

送康孟嘉赴廣西按察知事

遙奉除書指越鄉佐驄今喜得賢良  
過家猶想榮簪紱  
度嶺應知靜雪霜揮翰有時臨桂樹  
捲簾長日對枕榔  
極知憲幕無餘事書問時能寄玉堂

送陳秉剛赴廉州照磨 二首

闕下相逢話未休，一官又赴嶺南州。  
近郊首肯收殘雨，高井梧桐動早秋。  
鴻鴈遠隨舟楫去，魚龍欲挾海波浮。  
喜聞郡幕無公事，應得登臨記遠遊。

射策當年負俊聲，每憐知己最關情。  
梁園早見收枚乘，宣室無能薦賈生。  
清夜聞雞傷別思，北風驅馬促嚴程。  
懸知過嶺梅將發，有待題詩寄玉京。

松筠軒為章仕顥作

號風子能大定數居淦城

舊住城東二畝宅種來松竹長偏成每疑蒼雪簷間落  
時有涼風座上生長日持盃看鳳舞清宵隱几聽龍鳴  
向來數學名尤盛深識先天造化情

贈李君元珙致仕還家

三首

京國重來鬢已蒼每因話舊意難忘幾年簪筆依丹禁  
兩度乘駟按越鄉自是高情超世俗從來雅操敵冰霜  
只今勇退真難得為子高歌一慨慷

客路驅馳四十年一朝解組賦歸田柴桑獨見陶潛去

盤谷誰如李愿賢  
鴻鵠九霄隨返旆  
烟波萬里送歸船  
都門把別情無限  
老我空吟桂樹篇

天上涼風動早秋  
河橋送客思悠悠  
詩篇獨向朝回寫  
翰墨多因去日留  
白石清泉同野服  
閒雲流水共扁舟  
鑑湖倘得蒙恩遇  
尚擬山中訪舊遊

送陳參政傑復職

久効勤勞歷四朝  
暮年文采更飄蕭  
九重奏最隨鳴珮  
萬里還官理去橈  
藩閫祇今資贊畫  
縉紳猶自仰丰標

西江總有清名在更盡忠誠答帝堯

輓都御史邵玘

繡衣屢拜渥恩濃憲府重臨位秩崇此日威名馳列郡  
昔時風采著朝中清秋鶴化鍾山月落日猿啼浙水風  
北望鳳臺吟楚些可勝枚淚聽哀鴻

送從姪廉伯還新淦

憶別鄉關忽五年遠來相見各淒然為憐骨肉情難盡  
力濟艱危誼獨全去鴈嗷嗷低遠浦征帆渺渺隔長川

倚門白髮懸相望早促歸程慰目前

王學士直求賦五杏圖贈蔣院判

蔣君高誼復何如種德惟看杏遶廬綠葉晴雲遮錦幄  
繁花踈雨薦庭除心同董奉多陰隲學究河間有著書  
此日故人酬厚意畫圖千載重璫璣

贈張清紀根致仕還蘄州

御勅新頒五色鮮賜歸今見寵恩全同朝愧我猶為客  
投老如公即是仙行李蕭蕭秋色外征帆渺渺夕陽前

蘄山回首還相憶清夢時應到九天

龍潭十景為太醫院判蔣用文賦

三江觀潮

三江形勝接蓬萊海若驅潮萬里來捲地雲濤奔洶湧  
連天雪嶂聳崔嵬居人訝逐滄溟去賈舶驚從碧漢迴  
最是高樓明月夜凭欄騁望亦奇哉

七星禮斗

七星山名舊有七星觀道士馮初陽居之  
薩天錫有詩贈馮云

江上名山似列星玉皇宮殿接青冥  
留御史尋仙句

匣有真人寫道經  
紫府月明瞻斗氣  
瑤壇夜永候雲輶  
當年曾記幽棲處  
幾度登臨上翠屏

華麓尋真

有兩峯秀拔可愛相傳茅君於此稅駕云

華麓蒼蒼擁翠鬟  
兩峰高並碧雲間  
飛仙遠挾蒼龍去  
羽客曾乘白鶴還  
絳節霓旌何處是  
青松白石此中間  
一從遙羽隨鷓鴣  
幽賞於今不可攀

柳灣待渡

楊柳依依兩岸分  
清灣渺渺是通津  
舟人向夕停橈久



過客臨流待渡頻  
華麓烟消山色暝  
海門潮送月華新  
畫船撾鼓滄江上  
曾扈鑾輿向北巡

官橋送別

迢迢官橋接坦衢  
每因送別此躊躇  
流分曲澗通瑤海  
影落長虹跨碧虛  
別酒傾殘桑落好  
愁心折盡柳條疎  
致身已遂青雲志  
何用歸乘駟馬車

水驛維舟

畫鼓傳聲動驛樓  
江臯使客暫維舟  
初承紫詔來天上

直遣皇華到海陬  
漠漠雲山春靄合  
蒼烟水夕陽收  
長亭勝概今何似  
歸夢時應戀舊遊

花洞垂綸

桃花洞口水洄沿  
下有漁郎理釣船  
萬傾光浮瓊島月  
一絲晴漾碧波烟  
高風未許誇桐水  
逸興何殊在渭川  
已喜飛騰霄漢上  
不須回首記當年

旗山散牧

有牧馬所在焉

見說旗山近帝鄉  
清時散牧總飛黃  
千羣踏月雄姿異

萬騎嘶風駿尾長  
雨後平原芳草遍  
春來曲澗碧泉香  
昔時汧渭那勝此  
蕃息應知似華陽

石屋春遊

與客春遊上翠微  
春寒新試薄羅衣  
行逢石屋窺仙境  
坐對龍池俯釣磯  
隔塢雨餘啼鳥緩  
平林風靜落花稀  
也知勝地尋芳好  
吟送斜陽盡醉歸

蕉樓晚眺

麗譙高構倚層空  
暇日登臨逸興濃  
野色蒼茫迷遠樹

角聲淒切遞疎鐘數行影落江心鴈一點青分海上峯  
最是五雲雙闕近幾迴翹首望飛龍

贈林推官還閩中

白髮蕭蕭老節推金門謁告獨言歸十年報國心如鐵  
萬里還家錦作衣路入閩山榕樹暗雲生海嶠荔枝肥  
京華相送多知己別後無令信息稀

贈進士陳素漳州教授

上林鶯轉柳花飛送子今辰出帝畿射策已先多士選

承恩獨領教官歸淮南雨過靡蕪綠閩嶠雲深荔子肥  
珍重斯文期遠大臨岐莫用歎睽違

敬思亭為司業貝公賦

翼翼新亭倚墓門思親不見每銷魂寸心獨抱終天痛  
永慕難酬罔極恩陟降有時聞謦咳薦羞猶想及生存  
松楸滿目餘霜露流澤綿綿裕後昆

為呂尚書題山水小景

時有還陝之行

尚書愛山兼愛畫索我題詩意甚濃一片白雲晴雨外

兩行樹色有無中  
郊舍午烟啼鳥靜  
野橋春水落花紅  
明朝一騎天邊出  
回首居庸隔幾重

贈呂尚書震還陝西省親

八月二十四日

鳴珂擁蓋度函關  
盡道春卿畫錦還  
聽履幾年勞聖眷  
稱觴此日慰慈顏  
馬頭千里秦川路  
鳥外三峯華嶽山  
別後知君長戀闕  
龍墀佇待綴清班

贈李子華江西參議

懷昨論交二十年  
祇今相見雪盈顛  
驂騑遠路驅馳慣

紫鳳朝陽羽翮鮮北闕承恩知感激西江貳閫賴敷宣  
玉堂話別憐知己謾寫新詩拂錦箋

贈周迪赴襄陽訓導

官署相逢屬暮春一尊偶得話情親昔年講學期科第  
此日傳經領縉紳花外鶯聲醒別酒雨中草色沒征輪  
臨期一送情何限為子長歌賦采芹

贈蕭鶴年還新淦

遠遊今識帝王州暫住還聞買去舟早從北闕瞻麟鳳

却望西江候斗牛聖世才華難自致故家文獻許相求  
底事匆匆不相見詩成何以慰離愁

豸角山房詩

有序

予友羅彥功昔司教於延平之順昌因扁其退休之  
室曰豸角山房嘗命善畫者為圖以寫其山房之勝  
而徵士大夫為之歌詠焉比來京師出此卷相示且  
索予賦詩憶予十七八在廬陵時與彥功相交今且  
三十餘年矣俯仰今昔不覺為之慨然因退朝之隙



與彥功張燈夜話遂援筆賦此

時永樂戊戌八月二十又六夕也

昔年振鐸豸山阿池館陰陰闕綠蘿  
雨後翠微移榻近春來芳草入簾多  
樞衣秀士聽經退載酒騷人問字過  
江海只今思舊業夢魂長繞劍津波

為友人題思親堂

雙親淪逝獨何之此日空餘淚滿頤  
故里松楸長在望客居霜露不勝思  
秋風宰樹啼烏慘夜雨青山白鶴悲  
知子承家能不負顯揚努力慰深期

贈貢士李叙入太學

戰藝南宮志不衰  
春風下第自稱宜  
九苞紫鳳誰能識  
千里驂騮豈易知  
壁水遠遊無舊業  
玉堂贈別有新詩  
蟾宮萬里應須到  
遲子重來折桂枝

贈李彥安赴荆門州學正

白髮蕭疎老教官  
幾回相見在朝端  
三遷不為年勞轉  
九考深知作育難  
舟過淮南春漸近  
路經湘浦雪猶寒  
荆門此去攜家便  
珍重斯文好健餐

雲谷書樓圖為禮部郎中蕭伯辰賦

南樓面面瑣窓虛樓上惟藏萬卷書滿架芸香春暖後  
隔林燈火夜涼初鹿門尚想龐公宅盤谷猶懷李愿居  
久別雲林無限思公餘重憶看新圖

贈胡海澄臨江教授

時為中書舍人以母老乞便地迎養

列職十年居禁侍除書一日遂私恩君家壽母堪迎養  
吾郡諸生總在門長晝松陰分講席四時江影照清尊  
考亭千載流風在待得歸休與共論

贈貢士熊廣赴金壇訓導

聖代求賢意獨加  
早年膺薦見才華  
朝端選士先興學  
京下為官復近家  
驛舍雨涼醒別酒  
馬頭風急送飛花  
他時教育看書最  
雲路相期未有涯

贈南陽知縣李桓圭

時三年大朝

鳬鳥來朝會玉京  
日瞻龍扆拜光榮  
新春雨露從天降  
白日香烟滿袖生  
久聽閭閻稱豈弟  
况逢朝著有清名  
還官好慰斯民望  
當宁於今想治平

送葛延琮南京都察院檢校

三載京華數往來薦書交上得賢才  
九重丹闕承恩快  
一日青雲得意回南去香烟隨綵服  
北瞻霜雪滿烏臺  
到官預想多清暇日對鍾山送酒盃

松鶴為刑部主事劉敷賦

老氣崢嶸不可羈蒼松白石舊相依  
海霞暖護丹砂頂  
山月寒生白雪衣赤壁當年曾入夢  
青田此日獨來歸  
也知骨格非凡種為爾摩挲思欲飛

輓曹編修父

生平不為利名牽  
閱世今過九十年  
七品褒封榮里閭  
一官蕭散在林泉  
乾坤久付浮生外  
風月空餘覽秀前  
遙望三茆吟楚些  
為憐令子重潛然

輓文江劉子長

黃梁夢斷竟何如  
薤露歌殘事已殊  
當日楓宸騰一鶚  
至今花縣憶雙鳬  
鄉山暮雨精靈遠  
墓道西風草木踈  
喜有賢郎能振拔  
蜚聲今已上雲衢

己酉秋九月廿一日扈從車駕巡邊

瞳矐海色隱朝暎載筆從容侍至尊天上旌旗懸日月  
雲中笳鼓壯乾坤九霄駐蹕虹光合十里連營虎士屯  
白首揚雄慚獻賦驅馳何以報深恩

過將臺追憶先皇

憶從先帝北征時親奉鑾輿誓六師威駕風雲嚴號令  
陣分龍虎耀旌麾指揮掌握真無敵駕馭英雄政有為  
一自鼎湖仙去後幾迴過此重悽悲

贈翰林侍講余學夔還西昌

二首以老疾告歸

禁苑同官三十年忽聞承詔賜歸田  
玉堂金馬貧如舊  
流水閒雲客似仙  
解組未能忘去國  
聽雞無復候朝天  
今晨相送情無限  
潦倒空慚雪滿顛

南望青原思欲飛  
臨岐那忍把征衣  
縉紳共惜張翰去  
鄉里爭迎賀監歸  
竹簟暑風清晝遠  
滄江白石宦情稀  
他年倘遂歸休願  
有約山中訪板扉

贈潘參議文奎

二首以修史事畢告老而歸蓋予同年也



國史新成寵渥優故人拜命遂歸休每慚秉筆陪清論  
久念同朝事校讐行李光華充賜橐圖書蕭散載扁舟  
極知別後難相即且為樽前一少留

聞君南去賦歸歟鴈蕩山前有故廬泉石自堪供嘯傲  
烟霞應得侶樵漁豈無野老論心事亦有兒童候起居  
問訊故人黃少保年來生計總何如

贈梁教諭萼赴衢州府學教授

以實錄成陞除

五載論交在石渠史成又見拜新除賜金且喜光行李

典教寧忘載舊書文物只今稱兩浙衣冠自昔重三衢  
茲行努力勤師道講罷應知樂有餘

送禮部郎中況伯律赴蘇州

南宮進秩久為郎又覩分符出帝鄉周室自來推牧伯  
漢廷今喜得循良花明紫綬承恩露日射緋袍染御香  
此去吳中待蘇息好敷善政繼甘棠

送周時敏赴南陽訓導

仲方先生孫也

遠持教鐸向南陽相送都門意獨長芳草夕烟停去旆

綠槐疎雨濕行裝  
古人為學嚴師道  
今上求賢急治康  
努力斯文期遠大  
前人德業政相望

送曾鼎僉憲廣東

天書重拜外臺臣  
衣繡翩翩出紫宸  
驛路霜清飛馬首  
關河雪霽動征輪  
漏聲尚憶金門曉  
梅信先傳庾嶺春  
南海早須蘇困弊  
周爰好為徧諮詢

送刑部主事陳虬還家焚黃

永豐人甚貧

蚤歲蜚聲邁俊髦  
青雲列侍映西曹  
一心報國惟冰蘗

三載還家尚布袍御勅交龍涵曉露仙舟畫鷁泝秋濤  
焚黃不日登丘隴存歿應知荷寵褒

贈何迪宗赴寶慶府照磨

同除者十人

羣賢連茹喜遭逢拜命聯翩出九重莫謂郡寮居幕屬  
極知節概秉清忠山城臘盡梅爭發水國春回雪正融  
料想過家勝衣錦鄉閭款迂意偏濃

贈羅繼鼎赴福建理問

清曉除書降紫宸一官迢迢向三閩聖朝自是嚴欽卹

藩屬於今重簡掄雪霽關河瞻去騎天寒驛路促征輪  
讞刑自昔關陰隲務俾斯民洽至仁

贈羅宜範肇慶照磨

幾年相見在瑤京士論推君獨老成半世無營安澹泊  
一官新拜荷恩榮嶺南行處山川好幕下吟餘案牘清  
見說先親敦行誼力期忠孝振家聲

送陳彝訓再授湖廣參議

宦遊十載歎驅馳藩閫重臨異昔時補報未忘明主意

睽離不盡故人思舊時文采公卿識此去聲名父老知  
見說楚鄉人重困早宣德意徧諏咨

和答同年鄧時俊

為揭州府通判

侍從頻年厠列卿白頭猶自忝虛名匡時但愧才無補  
佐郡多推政有成五夜星辰環禁籞九天日月照蓬瀛  
重逢喜叙平生話况有新吟慰客情

輓龐處士夫婦

其子振舒為中書舍人

每嗟伉儷不同歸薤露興歌事已非德善至今聞里閭

聲容猶想在庭闈春風宿草悲埋玉秋雨叢萱憶斷機  
聖代褒封昭盛典故山同穴有光輝

送陳三策赴建安訓導

去春闕下暫相逢又此攜書出九重久別未忘懷耿耿  
朝回猶惜去匆匆昔年交誼推陳重此日傳經辟馬融  
共說建安人事美紫陽千載擅高風

送葉汝梅赴福建運判

三月雨晴鶯亂鳴朝回送客不勝情船經沾渚片帆遠

路入閩山一騎輕自昔煮鹽資利用只今輸粟更充盈  
深期出納蠲奸弊要使商民頌德聲

劉氏母九十壽詩

劉修撰冲之母也

鶴髮垂垂映北堂年登九袞益康強兒孫長日供滃漚  
鄰曲無時獻壽觴藹藹叢萱深雨露森森慈竹耐冰霜  
況逢聖代推恩典鸞詒新頒荷寵光

新正訪鄒侍講偶成

寓居順承門之西

獨騎官馬踏晴沙來訪城西侍講家柳巷柴門成物色



菜盤椒醕入年華  
西山捲幔留殘雪  
北關當軒駐紫霞  
久住金門成小隱  
不妨詩酒寄生涯

輓御史黃公宗載母李氏

見說高年七十過  
忍聞薤露遽興歌  
繡衣違侍雲霄遠  
祿養榮霑雨露多  
故里烏啼悲宰樹  
青山馬鬣暗烟蘿  
賢郎述德存深孝  
太史書銘永不磨

四月廿五日隨駕出拜郊

宿雨初晴鶯亂鳴  
翠華曉動出宮城  
柳邊萬騎分行出

花裏雙旌引道行  
帳殿風清香霧濕  
周廬天近暖雲生  
時巡總道多恩澤  
父老相逢說太平

隨駕過西湖

載筆從容扈乘輿  
經行偶得過西湖  
林花朵朵迎人笑  
水鳥雙雙向客呼  
雨洗斷碑荒綠蘚  
烟埋廢剎長青蕪  
欲論往事皆塵土  
立馬東風日又晡

閏四月九日隨駕宿龍虎臺

軍都邑廢已無城  
龍虎臺空尚有名  
山繞平原烟樹綠

天連碧海暮潮平  
清宵宿衛聞笳響  
拂曙趨朝聽鼓聲  
傳道乘輿催早發  
中軍先已抗前旌

六月十五日哭子添祿作

爾生三歲忽云亡  
壽夭何能問彼蒼  
自念奔馳違骨肉  
可堪痛哭在他鄉  
鳳臺落日遊魂遠  
牛渚愁雲係恨長  
悲慟滿懷無處著  
眼枯惟有淚成行

七夕

雨洗煩囂屬早秋  
露華月影靜悠悠  
謾從天上占烏鵲

空向河邊望女牛  
旅館倦吟偏對酒  
誰家乞巧獨登樓  
自緣鄙性真成拙  
欲訴天孫半是愁

中秋宴集和答胡學士

直舍西頭俯禁城  
捲簾坐待月華明  
詩題綵筆誇先就  
酒注銀瓶勸滿傾  
蟾桂風清微有影  
金莖露下不聞聲  
北來此會應難得  
且共酣歌詠太平

賦黃侍讀瑞菊詩二首

舊植芳叢護粉牆  
一枝紅艷獨呈祥  
駢花疑奪天工巧

異質偏含雨露香，華萼有心同晚節。  
雙娥無力倚新粧，當年三逕渾閒事。  
未許陶潛獨擅芳。

朝罷看花日幾回，開筵數喜共追陪。  
競傳紅玉雙呈瑞，未許金錢獨占魁。  
並蒂重含瑤露潤，聯葩高映紫霞開。  
玉堂展卷題佳句，流慶應知及後來。

題秋江卷

黃臺地迥接滄洲，有客棲遲獨罕俦。  
夜雨湖邊三畝宅，西風江上一虛舟。  
涼雲野水秋無際，岸芷汀蘭晚更幽。

何日投簪歸梓里訪君南浦共追遊

題劉南奎贈行卷

與子同朝交誼重往來深識故鄉情十年遊宦青雲遠  
一日還家畫錦榮白髮未能忘孝養丹心祇益奉皇明  
卷中題贈多知己毓德深期保令名

賦赤壁贈蕭長史用導之靖江

大江東去碧溶溶水淨平沙接遠空月下勝遊非舊日  
眼中遺迹感英雄猿啼斷岸孤帆雨鶴唳滄洲一笛風

料想登臨無限意題詩還憶訪坡翁

贈康志高致仕還廬陵

新頒御勅墨淋漓白首休官願不違  
歲晏天邊孤鶴遠春風林下一人歸  
龍河雪色侵行舫官道梅花照錦衣  
明日匡廬重回首鳳城繚繞五雲低

題鄭氏白雲閣卷

白雲渺渺欲何之遙望金山對古祠  
翠滴松楸餘舊恨陰連桑梓係深思  
四時薦祀存家禮百世文章有墓碑

流慶綿綿應未已況聞繼述在佳兒

贈胡太守璉還泉州

泉州太守最相知十載常懷會面遲  
喜有清名留海郡況聞事業重明時  
朝來五馬穿花出雪後孤舟向日移  
聖代只今思治理好將衣食慰黔黎

題張天台灤河歸興

久聞作縣有清聲三載惟圖答聖明  
忽向青雲辭宦轍深懷白日照忠誠  
東風酌酒金陵館夜月揚帆白下亭



此別應須重相見，懸知鶚薦有公卿。

贈晏彥文僉憲山東

早將姓字籍金閨，又覩乘駟別帝畿。  
十載居官心似鐵，三春持節繡為衣。  
聲馳當道豺狼避，力奮遙空鵬鶚飛。  
為說山東凋弊久，便須攬轡遍詢諮。

贈王持翰掾河南都司兼寄黃伴讀體方

三年京國獨相知，遠別那堪對酒卮。  
淮浦好山晴似畫，汴堤新水綠如漪。  
春風洛下堪攜酒，夜雨轅門好賦詩。

我憶故人黃伴讀為言千里重相思

贈宗魯貝廣文還新淦

去年暫會忽相違此日重來慰所思  
金闕早朝曾賜酒玉堂夜語謾論詩  
斗南冠冕文星聚泮水絃歌化雨滋  
慚愧菲材叨寵遇感懷何以報明時

輓敬先廖檢討

嗟君不見涕沆瀾未讀銘文鼻已酸  
藜閣青燈閒硯席詞林白髮少衣冠  
日邊鶴化魂應遠天上樓成夢已殘

南望孤舟回旅櫬青山疊疊暮雲寒

題曾沂淵沂濱清隱卷

沂上幽居樂隱淪清心久已謝塵紛日長鷗鳥閒當戶  
雨後山光遠到門花裏琴尊娛好客案頭書帙課諸孫  
舞雩尚想前人舊此意何時與共論

贈黃彥子赴竹山教諭

與君濶別四年餘忽領鄉書上帝都金殿春風薦薦後  
玉堂夜雨盍簪初驚傳綵服還鄉縣親聽綸音下玉除

料想重來應有日先期穩步躡雲衢

七夕與蕭迪寬對酌賦此

又向玉京逢七夕一尊聊與故人同鵲橋有路雙星會  
銀漢無波一水通簾外蛛絲頻墜露樓前鳳管獨吹風  
玉堂話舊憐知己坐對銀缸夜未終

贈楊貴琛南海知縣

獨膺鶚薦上楓宸喜有清名在搢紳聖主九重開日月  
郎官百里應星辰涼風夜送仙舟遠恩露晨沾墨綬新

若過嶺南逢驛使早梅先寄一枝春

題文江李允誠杏林精舍

傳家久得軒岐秘嗣世仍存濟物心  
門對好山啼鳥靜樹藏紅雨落花深  
清朝洗藥過松澗落日鳴琴坐竹林  
我憶滄洲成久別濯纓何日共幽尋

贈廷振楊處士還清江

客中幾見鴈南飛忽向都門賦式微  
紅樹碧雲迎去棹西風涼露動征衣  
入門掃逕餘松菊倚杖看山老蕨薇

金少曰唐八言  
卷四  
遙想到家秋未晚比隣酌酒話京畿

贈魏奉祠還陝西

久向王門作奉祠  
竭來京國見容儀  
聖朝寬宥多恩澤  
海寓康寧際盛時  
復職惟圖脩祀禮  
輸誠還憶祝繁釐  
都門相送情何極  
折贈梅花雪滿枝

贈羅大敏教諭之官襄陽

君家遠自羅源出道學  
相傳有豫章  
世系固應存慶澤  
諸孫還喜紹書香  
聖朝作育文風盛  
泮水絃歌化日長

早晚到官有餘暇題詩須上峴山陽

送鄒子輦宰通山

去年膺薦來京國此日分符出帝關行李三春經赤壁  
孤舟千里問通山公庭鞭撲長年少山市喧囂盡日間  
朝罷都門一相送東風吹柳未堪攀

正月十四夕黃侍讀宗豫請賞蓮花燈光大胡公  
席上有詠走筆屬和之

艷質娉婷巧製裁瓊葩高下一時開偏宜午夜瑤池看

金夕月令言 卷四  
絕勝當年玉井栽絳幕斜分霞影亂畫簾低引月華來  
金吾此夕知無禁顛倒何妨累百杯

贈別友人羅汝弘

久別故人心欲摧燈前對語謾銜杯嚴親慰問勞書札  
令弟交游數往來行李欲隨孤棹發趨朝又逐五門開  
相思莫忘金陵路還記來時過鳳臺

和汝弘客中除夕之作贈別

江湖久客倍思歸行李匆匆忽告違曉日江花留去棹



東風官柳拂征衣壯懷每欲凌仙島清譽空慚在禁闈  
問訊嚴親多壽考玉堂還有寄來詩

和學士胡公陪祀南郊之作

聖君御極紹先皇每以精神格彼蒼漏下齋宮移月影  
烟霏紫殿散天香羣仙雜遝紛來下百辟趨陪儼列行  
預想豐年歌聖德東郊農事又相將

贈沙同知之官祿州

行人臨發意如何獨向津頭發棹歌遠浦晴烟添草色

滄江宿雨動新波興圖盡入河山壯海宇均沾雨露多  
况是遠人蒙化久敷宣好為布陽和

贈劉允珮之官懷慶

新除太守河南去榮捧天書荷寵光少日才猷期董賈  
明時事業繼龔黃檣帆隱隱經淮浦旌旆翩翩指大行  
聖主憂民圖治理深期補報濟時康

贈周韶鳳南歸

難兄太學稱儒師令弟相從志不違夜雨頻穿管寧榻

春風時下董生幃故家文獻應堪繼先世科名自可期  
此日臨岐無限意願言力學慰深思

贈彭埏還長洲

周教諭岐鳳之甥也

與子連宵對客床覺來猶聽誦琅琅已看牛角起餘輩  
想見成人更老蒼自昔才華推阮謝只今述作愧班揚  
明朝獨上扁舟去遙望姑蘇隔渺茫

舊時山口說彭家文獻相傳豈浪誇故老百年成夢寐  
諸孫今日見才華青燈黃卷心逾苦流水高山意更賒

相送臨岐無限思重來好賦上林花

題扇贈郭必復

汾陽公子舊知名兩度相逢在玉京  
入覲已聞輸賦足還家更有賜書榮  
三山曉日孤帆遠天上清風一握輕  
鄉里如逢知己問殷勤為我道深情

贈進士傅玉良玉潤昆弟還臨江

昔年校士忝文衡爭覩朝陽兩鳳鳴  
鄉里共傳登進士交游為喜得門生  
三年戀闕君恩重萬里還家晝錦榮

回首帝京須到早上林春好聽啼鶯

輓中書舍人王孟端

二首

雅韻高懷夙絕倫  
矯如脩鶴出風塵  
半生浪迹甘羈旅  
一日蜚聲列近臣  
自信王維非畫史  
誰知賈至是詩人  
高齋夜雨看遺墨  
欲賦招魂淚滿巾

平生氣槩薄虹霓  
之死超然更不疑  
流水浮雲無盡意  
新圖妙墨係深思  
尚懷退食歸青瑣  
猶憶揮毫對鳳池  
惆悵東風回旅櫬  
淡烟芳草徧天涯

贈廖自廉沅江教諭

以求賢舉告願教職

南北睽違又幾年重來兩鬢已蒼然乞身不厭官資薄  
典教應知德操全舟過大湖晴望嶽帆經遠浦暝浮烟  
菁莪樂育知多暇應有新詩寄日邊

送李德固赴分水縣丞

幾年從事居京國佐縣咸推有藝才辭闕早登沽水驛  
問程遙指富春臺山臨附郭民無事吏散官衙印少開  
努力廉勤圖報稱好音頻寄日邊來

賦蕭公伯辰庭桂秋香

蟾宮移得樹蒼蒼碧蓋如雲覆草堂  
弈世盤根深雨露  
四時孤翠老風霜瓊枝浸月秋無影  
金粟含風夜有香  
翹首南山應咫尺  
早期招隱掇仙芳

為楊諭德題贈蔣御醫

承家舊得軒岐學絕藝於今獨罕儔  
待漏每蒙天語召  
校方不厭世人求杏林花重紅雲曉  
橘井泉香玉露秋  
慙愧微生無恙久獨懷高誼未能酬

乙未三月一日策試進士讀卷

聖主臨軒親策士新頒御勅墨淋漓百年禮樂逢興運  
一代文章際盛時天近蓬萊香霧濕日迴閭闔漏聲遲  
有周幸覩賢才盛感遇惟歌棧樸詩

白鶴山房為學士楊公賦

白鶴之山高挿天盤盤先壠翳蒼烟凌雲古木千章合  
映日靈芝五色鮮清白遠傳簪笏在詩書今見子孫賢  
知君感遇恩尤厚好勒封碑樹墓田



題朱太守永貞堂

早歲孀居失所天獨餘白髮照林泉共姜有誓心難變  
令女無瑕操愈堅雪裏松筠宜並秀風中桃李謾爭妍  
聖朝砥礪崇名節行覩旌書下日邊

題海南程氏貞節卷

痛徹蒼天淚若翻仰天長訣竟何言三生不負同心約  
一死難忘結髮恩粧鏡塵生遺粉黛泉臺月冷照香魂  
玉堂展卷題貞烈千載芳名表墓門

贈魏千戶

扈駕親曾翊聖躬壯年應敵萬夫雄腰懸寶劍龍光  
動手撚琯弓鵲血紅輦路看花春躍馬長安通籍曉聞  
鐘只今海宇風塵淨長倚恩光近九重

輓沈生潮

翰林侍講學士民則之長孫也

氣質溫然玉雪清未登弱冠已先傾生前總得親知重  
死後難勝祖父情空見殘書留篋笥忍看遺骨瘞佳城  
臨風為爾增深慨讀罷銘文淚滿纓

贈蕭迪敏南還

曉日都門鶯亂鳴，那堪把酒問歸程。  
天涯綠暗花將盡，沽口船高水正生。  
莫謂難兄傷別意，極知慈母慰深情。  
故鄉耆舊如相見，為道平安寄遠聲。

繼志堂為李存節賦

聞說君家住渝陽，至今繞屋樹千章。  
花前臘酒開春宴，竹裏書燈照夜堂。  
自信流傳多慶澤，況聞繼述付賢良。  
深期努力追先烈，奕世綿綿望耿光。

貝祭酒泰求贈謝良翰

妙年文采照青雲，喜有聲華謁縉紳。  
五載聽雞留闕下，一朝走馬向三閩。  
野梅融雪經殘臘，江柳舒雲動早春。  
見說郡中塵事少，紅蓮綠水四時新。

龍川八景二首為宋常固賦

清冷一派渾堪愛，瑩徹溪流絕點塵。  
蒼峽氤氳晴起霧，遠空蕩漾暖生春。  
光搖鮫室通銀海，影泛鷗波動碧粼。  
此日郎官分瀉去，好為霖雨濟斯民。  
右合溪溫泉

澄潭萬頃映長天為愛飛流在目前  
映日似從銀漢落垂空偏訝玉虹懸  
流歸滄海翻晴浪遠度寒巖濕紫烟  
自是長風吹不斷應同廬阜瀉前川  
石龍潭飛瀑

送周編修功叙南歸省親

京華每日念慈闈目斷西江思欲飛  
方切陳詞趨北闕喜聞給驛賜南歸  
薊門天濶鴻聲遠淮海霜清木葉稀  
想得到家稱壽日天香猶自染班衣

題傅氏雙桂堂

君家伯仲最賢良並立還勝五桂芳  
共喜枝柯承雨露更同節操老冰霜  
蟾宮接武青雲近仙籍聯名白日光  
弈葉信知流慶遠年年花裏掇秋香

元夕觀燈應制

蓬萊高聳五雲端蠟炬融春夜不寒月  
滿瓊林花作陣星垂瑤樹錦為團  
紫霞潋灩浮仙醴香霧氤氲繞御鑾  
歲歲鎬京霑賜宴恩波浩蕩海同寬

金蓮五夜燦瑤臺一派星河徹  
夜開銀甕蒲萄天上出

翠華驪裘月中來地臨太液虹光合春滿神都御氣回  
此夕傳柑知感遇嵩呼願進萬年盃

帝京三五值佳辰燈月澄輝霽景新大地山河天不夜  
滿城簫鼓暖生春宴遊遭遇同千載盛事歡娛及萬民  
拜祝吾皇千萬壽深慙獻賦忝詞臣

濟美堂為郭郎中鼎貞題

故家世系出汾陽數百年來倍有光門外青山餘黛色  
屋邊喬木老風霜傳家自信詩書美啓後方知慶澤長

回首東梅溪上路至今簪笏照高堂

題傅王良春山訪友圖

春山伐木曉丁丁何事相求念友生乍聽巖前飛瀑響  
還聞谷口送鶯聲日高野寺僧猶卧烟暝溪橋客獨行  
我亦平生愛林壑展圖此日動歸情

東梅八景為刑部郎中郭鼎貞題

三垞浮嵐

羣峰削玉倚青天迤邐浮嵐斷復連  
遠樹盡疑含宿霧



長林不辨雜飛烟  
隨風冉冉霑衣袖  
帶雨冥冥濕錦韉  
却憶東梅溪上路  
芒鞋幾度踏曾巔

九峯疊翠

疊嶂迴巒復幾重  
千巖萬壑翠連空  
遙兼積靄林光潤  
近染晴雲樹色濃  
深澗鳥啼迷晚黛  
蒼崖人語度冥濛  
憶從蚤歲同登覽  
曾上凌霄第一峯

石橋流水

石橋磊落跨溪流  
長日溪頭事事幽  
一片雨聲來枕畔

半空雲影上簾鉤  
花間濯足聞清瀨  
柳下垂綸近白鷗  
有約還山尋舊隱  
芒鞋竹杖共追遊

驛路停驂

青山疊疊樹蒼蒼  
驛騎時看駐道傍  
嘶向柳邊當薄暮  
飲來花底愛微涼  
解裝暫息征途倦  
振轡寧忘去驛長  
愧我兩京叨扈蹕  
驅幾得從飛黃

竹岡晚照

翠竹岡頭景物幽  
長天落日澹悠悠  
幾家返照催砧杵

半壁新蟾入畫樓  
高壠牛歸樵已散  
滄溪漁罷網初收  
故家迢遞金川外  
猶憶登臨共唱酬

山寺曉鐘

蘭若疎鐘曉露涼  
扶桑海色曙蒼蒼  
遙催落月沉西嶺  
微度閒雲出上方  
鶴下巢邊鳴竹迳  
僧從定處啓松房  
幾迴待漏趨丹禁  
闔闔聲中拜玉皇

獅山霽雪

大雪舒晴絢碧霄  
山前積素擬瓊瑶  
千林日轉寒將散

萬壑陽和凍欲消  
谷口問人初見路  
溪頭送客漸通橋  
玉堂歲歲逢三白  
吟對西山寄沆寥

蛇嶺晴雲

蒼嶺蜿蜒去復回  
白雲千仞壓崔嵬  
高林縹緲晴光合  
列嶂網緼旭景開  
已見從龍天上去  
還聞伴鶴日邊來  
承恩屢到蓬萊島  
五色曾看擁上台

元夕賜觀燈

十首

闔闔天門開九重  
玉樓金殿月瞳朧  
共看鼇背辭滄海

獨向龍墀擁翠峯  
瑞雪暖融鵲觀慶  
雲晴護建章宮  
盛時佳節逢元夜  
此夕歡娛萬國同

河漢沉沉霽景澄  
蓬萊燃滿九華燈  
青猊白象三千界  
綺閣瑤闌十二層  
花繡芙蓉濃艷吐  
簾垂翡翠異香凝  
世人唯向雲中見  
遙望天門不可登

寶樹金蓮萬炬明  
春風一夜百花榮  
絳紗含霧垂珠幕  
紫焰蒸霞晃繡楹  
洛水涵光龜象出  
滎河流耀馬圖呈  
仙禽靈獸多嘉瑞  
盡見揚輝入太清

樂奏韶咸寶扇開遙瞻龍馭自天來九門香逐靈輿度  
萬國春隨御氣回綵鳳高臨青玉案彤雲輕護紫霞杯  
臣民共願宸遊樂海內歡聲溢九垓

五色祥雲奉御筵翠華垂蓋出中天玉龍吐焰開靈曜  
金鴨騰薰藹瑞烟淑氣晴含旗影動輕颺微帶漏聲傳  
教坊初進昇平曲鳳吹鸞笙雜管絃

中使傳宣宴百官珮聲遙集五雲端酒頒綠蟻開金甕  
饌繪蒼鱗奉玉盤寶帳春回頻送暖瑤臺雪霽不生寒

侍臣霑醉蒙恩德更勅都人近御看

羅綺含薰綵隊盈金花翠帽錦裝成奉琛獻璧諸蕃貢  
舞鉅尋橦百伎呈戲帳弄嬌空外影翠帷巧出靜中聲  
三農更有豐年曲齊向天街歌太平

錦額瑜環童伎兒分行列隊向彤墀當筵齊唱摩尼曲  
對御還歌大聖詞寶藏金錢頒出富琀盤珍果賜來奇  
袞衣浮動陽和滿正是天顏有喜時

天外遙聞雲珮鳴仙人飛步下瑤京安期神棗千年瑞

王母蟠桃萬壽徵王女金童迎鳳輦霓旌羽蓋列龍輶  
紫金還現空中相羣會璇霄對聖明

銀箭遲遲禁籞長月華燈彩炫巖廊暖隨佳氣浮三殿  
春逐恩波被八方湛露更添仙甕醴祥飈還度御爐香  
小臣願祝齊天壽萬歲萬歲呼仰聖皇

贈端木孝思使朝鮮

曾同載筆侍蓬萊文彩煌煌映上臺奉詔又從天上出  
馳車還向日邊來新亭樹色連征旆驛道梅花照酒盃



好為吾皇宣德意早春先候使車回

贈王行人使安南

承恩曉出九重天王事驅馳念獨賢奉詔尉佗煩陸賈  
尋源西域得張騫車書自昔通南紀聲教於今徧八埏  
聖主綏懷恩似海殷勤德意在敷宣

緬人入貢詩應制

聖主龍飛開泰運殊方效貢慶昌辰九天宮闕風雲會  
一統山河雨露新重譯未誇來白雉在郊先覩集祥麟

幸逢四海為家日願祝皇圖億萬春

驄馬行春圖為傅副使題

職司風紀有清聲郡邑諮詢羨獨行當道豺狼應遠遁  
窮簷父老總歡迎繡衣照日三春暖白簡飛霜一道清  
自昔勤勞煩使者觀風應得悉民情

送孫巡檢赴崖州

迢遞崖州海盡頭一官南去苦難留五更風雨雞催曉  
萬里河山雁報秋久別誰憐長作客還鄉那得與同舟

如君才力終登用莫嘆淹留滯一州

師古堂為朱太守賦

賢侯有道贊雍熙報國丹心誓不移事業欲同千載上  
聲名要與古人期南陽召父應堪繼西蜀文翁可並馳  
早晚政成書上考更期努力嗣音徽

送僧歸崑山

旃檀樓閣倚中天借住僧房又隔年方外幾時堪結社  
名山到處可栖禪曉攜金錫雲生鉢夜對龕燈月滿船

我憶遠公能說偈臨風謾為寫長箋

題春暉堂卷

鶴髮如霜映北堂母恩難報寸心長自期晚節調甘旨  
願奉高年託壽康日照萱花春藹藹雲生慈竹晚蒼蒼  
也知純孝無時已為爾題詩一慨慷

題魏氏繭絲遺藁

君才卓犖冠時流獨惜青年志未酬奮筆自期攀屈宋  
苦吟端欲駕曹劉幸存製作傳遺墨無復衣冠繼昔遊

令子至今能嗣世顯揚應不負箕裘

題梅軒

種來梅樹滿林垞那似溪山景物清  
冰雪生香雲遶屋珊瑚照影月當屏  
西湖酒醒逋仙夢東閣吟餘水部清  
佇待他年成實後要知金鼎可調羹

題顏氏奇峯卷

極目青原在翠微羣峰如畫列屏帷  
天連秀色分書幌地擁晴嵐照板扉  
竹嶼風涼吟載筆石屏雲暖坐題詩

有懷勝迹增惆悵何日登臨慰所思

賦雷給事璜溪書屋

君家祇在璜溪上門對青山一事無春暖芸香時別蠹  
夜涼燈火獨看書閒中自得先天妙靜處曾觀太極初  
一自金門膺薦後臨風幾欲賦歸歎

題指揮克勤齋

共說將軍好讀書早年聲價重璫璫晴窓點筆春雲薄  
官閣題詩夜雨餘靜閱豹韜忘寢食閒窺蠹簡惜居諸

況聞報國心尤切繼志終期展壯圖

題雙竹軒

庭畔無根竹自生雙枝秀拔長偏成月高彩鳳翻瓊佩  
雨暖蒼龍脫錦裯浪說渭川千畝綠絕勝淇澳萬竿青  
何時載酒尋三徑共倚琅玕聽紫笙

題王氏槐陰堂

種來嘉樹鬱蒼蒼歲晏濃陰覆草堂翠滴簷楹春雨暖  
秀分書幌午風涼封培喜見孫枝茂庇覆深懷世澤長

千載晉公名未泯更期齊葉振餘芳

七言排律

瑞雪應制詩

有序

宣德五年冬十有二月乙卯之夕雪驟作逮明遠邇  
皆徹山川壯麗草木晶明氛埃斂淨厚土膏潤朝野  
相慶皆以為聖天子至德所感其應為豐年實天下  
生民之福聖心悅豫既為長歌以頌示臣寮復錫之  
宴飲俾盡醉而樂焉君臣相與之意藹然備見於情



辭之間雖詩之稱既醉太平不是過也臣幼孜叨沐  
榮恩無任感激爰效古昔賡歌之意以頌聖德於萬  
一謹再拜而獻詩曰

聖君御統紹先皇恩德覃施及萬方序屬嘉平融瑞氣  
時逢大雪散祥光初驚灑地蟻珠集忽訝漫空粉絮颺  
盡夕玉階輝皎月凌朝苑樹炫初陽山川漫汗疑連綿  
城闕玲瓏擬截肪晃耀神京圓玉壘晶熒宮井凍銀床  
中天霽景浮瓊島大地歡聲徹廟堂政喜寰區消癘孽

預知年穀兆豐穰九重錯落頒宸藻百辟追趨獻壽觴  
此日賡歌同舜禹太平致治邁堯湯武功文德謀猷遠  
聖子神孫寶歷昌願效嵩呼歌悃款千秋萬歲頌時康

孝友堂詩

有序

禮部尚書呂公震名其奉親之堂曰孝友國子祭酒  
胡公若思既為之序復來徵予詩為賦七言近體十  
六韻以識卷末詩曰

名家系緒出藍田閎閎重光屬後賢堂上慈親娛好景

眼中諸季羨英年叢萱藹藹迎春秀華萼輝輝向日妍  
膝下每聯鴻雁影閒居時誦鵲鴿篇鸞迴紫誥承恩寵  
蟻泛瓊觴介壽筵綵服戲時情最洽錦輿行處樂尤便  
幕中黃雀充庖美泉裏金魚入饌鮮冠蓋久依雙闕下  
壘簷常奏百花前承家玉樹遙相映報國丹心祇自懸  
顧問日聆天語近追趨時聽屢聲傳春官典禮儀文秩  
曉殿崇班位望全數載親闡勤定省幾回使節任旬宣  
政懷喜懼心逾切夙秉忠誠志益堅書紀君陳垂往牒

詩陳張仲著遺編聲華獨繼千年後孝友真為百行先  
擬述勲名昭盛美迂踈愧乏筆如椽

都門曉望

春滿皇都淑氣清偶來縱目一舒情  
遠山漠漠平臨野綠柳依依半出城  
負郭牛羊初散牧隔花鶯鳥自和鳴  
玉泉近繞宮牆過香霧遙從島樹生  
天上旌旗迴伏影人間簫管雜歌聲  
也知聖代多恩澤況是豐年樂太平

金文靖集卷四